



DNM y otro partners a crea rapport cu meta pa disminui contaminacion di luz



Pagina 3

- **RvA ta ratifica recomendacion pa pa establecimiento di ministerionan**

Pagina 4

- **Cantidad grandi di turista crucero mañan na Aruba**

Pagina 6

- **Polis di Corsou ta aresta di tres sospechoso den asesinato di polis militar**

Pagina 9

ABC ta pidi comunidad pa respeta espacio di lora y no duna nan cuminda



Pagina 2

Corsou: Parlamento ta discuti propuesta pa prohibi matrimonio di mesun sexo e siman aki



Pagina 8

Brazil: Muhenan a protesta contra penalizacion di aborto como homicidio



Pagina 10

Aruba Conservation Foundation ta pidi comunidad pa respeta espacio di lora y no duna nan cuminda



Na januari ultimo, Aruba Conservation Foundation (ACF) a anuncia e reintroduccion di e parha extinto yellow-shouldered amazon, localmente conoci pa e Lora, cu tabata back den naturalesa di Aruba, sinembargo, recientemente e fundacion aki a tuma nota di hendenan cu ta purba yega mucho cerca di nan pa purba duna nan cuminda.

E aña aki, ACF den colaboracion cu partnernan local y internacional a reintroduci e yellow-shouldered Amazon, parha conoci localmente como Lora, ken ta back den Aruba su naturalesa despues cu tabata extinto pa mas cu 70 aña.

Nan a informa cu e poblacion di Lora ta bayendo bon y nan ta adaptando na e diferente areanan natural den Parke Nacional Arikok y otro areanan, sinembargo, “recientemente nos a tuma nota

cu algun hende ta purba di yega mucho cerca di e Lora of ta purba duna nan cuminda. Nos kier recorda y encurasha tur hende pa goza di e bunitesa di e especie di parha aki cu ta endemico y protegi pa ley, di lew. Nos ta pidi pa respeta nan espacio y no duna nan cuminda.

E Lora (Amazona barbadensis) ta localmente un especie extermina na Aruba for di aña 1947, pero semper a keda cu un luga significativo den e herencia ecologico y cultural di Aruba y den e curason di e comunidad. E Lora ta conoci pa ta hopi social y inteligente y e temponan aya, localnan por a goza di mira nan bula den naturalesa di Aruba te ora cu nan a bira extinto.

Populacion di e Lora ta existi na areanan isola na Boneiro y Corsou, como tambe na algun partinan nort di Venezuela y islanan di Margarita y La Blanquilla. E Lora a ser evalua pa ta riba e “IUCN

Red List of Threatened Species” na aña 2021 pero ta calcula cu e poblacion den naturalesa actual ta menos cu 10,000. Pa Aruba especificamente, e Lora ta protegi pa ley bou Ordenansa di Naturalesa, (AB 1995 no. 2, Art. 4 /AB 2017 no. 48).

Tin hopi menasanan pa e poblacionnan di Lora y mayoria di e menasanan aki ta di origen humano (Birdlife International 2017, Silvius 1991). Pa Aruba particularmente, e extincion di e Lora ta debi na jaagmento ilegal pa bendemento como mascota, y matamento di e lora pa motibo cu e ta ser considera un plaga pa agricultura (Voous 1983). Fuera di e menasa di origen humano, otro menasanan local serio ta especienan manera pushi y djaca. Contrario di creencia popular, e Boa no ta e causa principal pa e desaparicion di e Lora na Aruba door cu e Boa solamente a ser introduci’ riba e isla den añanan 1990.

Banco Central di Aruba ta afirma cu reservanan di divisa ta permanece adecua


Recientemente Banco Central di Aruba (BCA) a tuma nota di un articulo publica door di Sr. Waslander dia 19 di april 2024 den Bon Dia Aruba encuanando desaroyo di nos reservanan. Pa evita mal comprendimento, pa medio di e publicacion aki, BCA ta elabora y splica mas riba e desaroyonan den e reservanan internacional durante aña 2022 y 2023, cu durante e promer trimestre di 2024 ta sigui riba nivelnan adecua.

Na fin di december 2022, e reservanan internacional a yega Afl. 3.240,4 miyon, cu ta encera un subida di Afl. 109.8 miyon compara cu fin di december 2021. E crecimiento den e reservanan durante aña 2022 a resulta primordialmente door di e prestacion robusto di e sector turistico y compra di propiedad na Aruba door di personanan residencia den exterior. Durante aña 2022, e reservanan internacional y oficial tabata adecua di acuerdo cu e indicadornan cu BCA ta monitor.

Na december 2023, e reservanan internacional a baha di

Afl. 3.240,4 miyon (december 2022) pa Afl. 3.061,9 miyon. Factornan principal cu a contribui na e bahada mencionan ta e refinanciamiento di debenan externo riba e mercado local door di e sector priva, pagonan di dividendo na no-residente y (re-)financiamiento di debe internacional den e mercado di capital na Aruba door di gobierno di Aruba. Fuera di tin suficiente divisa, esaki a sosode debi cu e tasa di interes na Aruba tabata mas abou cu e tasa di interes den exterior.

BCA ta subraya cu aunke e reservanan a baha durante 2023, e reservanan internacional a permanece adecuado di acuerdo cu e indicadornan cu BCA ta monitor. Especificamente, e reservanan internacional a surpasa 3 luna di pago riba e cuenta corriente di e balansa di pago y e metrico ‘Assessing Reserve Adequacy’ (ARA) di e Fondo Monetario Internacional (FMI) a keda adecua. Ademas, BCA ta informa cu den e prome lunanan di 2024, ya e nivel di reservanan di divisa a aumenta cu Afl. 199.2 miyon compara cu fin di 2023. Finalmente, BCA ta premira cu e nivel di



Tabel 1: Metriconan relata na reservanan observa durante e ultimo 12 luna

	2023												2024
	Feb	Mar	Apr	May	Jun	Jul	Aug	Sep	Oct	Nov	Dec	Jan	
Cobertura estima di pagonan riba cuenta corriente ¹	7,0	6,8	6,9	6,8	6,7	6,9	6,8	6,2	6,2	6,3	6,3	6,5	
Metrico estima di FMI ARA ²	105,3	109,6	114,9	113,5	111,8	113,4	113,7	105,9	105,5	102,2	103,4	106,8	

¹ E cantidad di luna di pagonan riba cuenta corriente cu e reservanan internacional ta cubri.

² E proporcion entre e nivel di reservanan oficial y e nivel minimo adecua (conforme FMI), den porciento.

e reservanan internacional lo sigui ta adecua durante 2024.

Como autoridad monetario di Aruba y di acuerdo cu e re-

sponsabilidadnan stipula den articulo 10 di e ordenansa di banco central, BCA ta continuamente monitor desaroyonan den e reservanan y ta

para cla pa actua acaso ta necesario, pa mantene e nivel di e reservanan adecua.

DNM y otro partners a crea rapport cu meta pa disminui contaminacion di luz

Directie Natuur en Milieu ta e departamento cu tin e meta primordial di mantene, protege y mehora calidad di naturalesa y medio ambiente na Aruba, recientemente e departamento aki conhuntamente cu otro partners a elabora e rapport Standard Operating Procedure (SOP) cu pa prome biha ta relaciona cu e implementacion di construcccion y iluminacion respetuoso pa flora y fauna di Aruba.

E rapport cu a ser crea conhuntamente cu entre otro, Cuerpo Policial di Aruba, Dienst Technische Inspecties (DTI), Aruba Hotel And Tourism Association (AHATA), ELMAR, Turtugaruba, Space and Nature Aruba Foundation, Directie Openbare Werken (DOW), Aruba Conservation Foundation (ACF), Aruba Tourism Authority (ATA), Asociacion di Ingenieronan y Architectonan Arubano y DarkSky International ta señala cu for di e ciere di refineria Lago, Aruba ta experimenta un modelo di crecimiento di turismo di masa, centralisa den volumen cu mas turismo, mas desaroyo, y por lo tanto, mas importacion di man di obra.

E utilizacion di areanan terrestre y maritimo pa ampliacion di e zona turistico y crecimiento di poblacion a ser desaroya di un manera descontrola y como consecuencia na esaki, flora y fauna autoctono tabata sometida na un presion basta grandi den ultimo añanan.

Como un ehemplo, di e crecimiento desekilibra di urbanismo a provoca un aumento di contaminacion di luz, perdida di espacionan natural y ecologico. A pesar di aplicacion di normanan y reglamentonan pa protege e parke nacional, imagenan di satelite ta muestra un aumento significativo di luz den parke.

Contaminacion di luz ta un topico cu cada bes ta haya mas atencion na Aruba, loke a asocia e topico cu sentimentonan positivo manera seguridad y comodidad, mientras cu scuridat tabata asocia cu actividadnan ilegal. Industria di iluminacion kier trece na consumidornan cu luz adicional ta preveni mas delincuencia, sinembargo, no tin pruebanan solido di esey. Por lo tanto, ta conveni distingui seguridad den sentido di prevencion di accidentenan



personal y proteccion contra delincuencia y actividadnan ilegal.

Den ultimo añanan, a keda na cla cu luz no semper den tur luga ta algo deseabel. Particularmente e luz artificial nocturno cu no solamente tin un efecto perturbador den flora y fauna sino cu tambe ta afecta salud y bienestar di ser humano, e consecuencianan di e perturbacion aki por altera e ritmo biologico, desorientacion (por ehemplo di turtuganan marino) e cual ta altera nan calidad di bida y nan habitat.

E SOP aki a ser crea pa varios organisacionnan local den defensa di naturalesa, unda tin conocimiento y experticio di profesionalnan combinando informacion riba e tema di contaminacion di luz unda a elabora politica y su aplicacion.

E obhetivo di e rapport ta formalisa e norma den cual mester dispone e diferente fuente di luz pa no perturba naturalesa of haci'e cu menos impacto, di acuerdo cu articulo 7, lid 3 di Natuurbeschermingsverordening (AB 1995 no. 2). Ademá e SOP tambe ta aspira na un enfoque integral den cual e producto final lo por sirbi di apoyo pa adapta of redacta leyman nobo di medio ambiente unda ta trata specialmente di: politica medio ambiental, politica energetico, ROP, luznan riba caminda publico, plan di gestion di ACF y permiso.

E meta ta pa elimina e luz innecesario of cu ta molestia y aumenta scuridat. Pa iluminacion, cu ta realmente necesario, ta describi e condicionnan di un iluminacion mas respetuoso cu e bestianan.

Pa un alcance mas eficiente, mester protege e areanan cu ta scur, sinembargo, e hecho cu e luz ta ilumina leu ta haci importante pa pone atencion na e zona rural pero tambe na entorno urbano. Ora ta pone luz den un zona urbano e briyo di e shelo ta disminui.

Contaminacion di luz por ta debi na varios fuente di luz como por ehemplo: iluminacion di hardin di hotelnan, palonan di luz riba caminda publico of decoracion di luz, den obranan di arte, iluminacion di avisonan, di veld deportivo, areanan den construcccion, di parkeerplats, entre otro.

E fuentenan di luz aki por ocasiona molestia of contaminacion na diferente nivel, por ehemplo iluminacion di un aviso publicitario cu ta ilumina un cas, pero e SOP aki ta referi na e contaminacion di luz den horizonte y briyo di e shelo.

Pa esaki, mester di diferente requisito necesario, conscientisacion riba importancia di proteccion pa crea apoyo. Varios organisacion ecologista di Aruba ta poniendo nan esfuersonan pa conscientisa e hotelnan, departamentonan gubernamental y publico en

general cu campananan manera Earth Hour, ademas ta necesario pa compronde hopi bon e problema y e situacion actual cu ta necesario pa elabora politicanan specifico.

Pa loke ta trata responsabilidad, luz artificial por provoca problemanan di salud humano y animal, por ehemplo, contaminacion di luz ta e mayor menasa pa turtuganan marino cu ta protegi na Aruba y por dañá nan biodiversidad. Pa e motibo aki, tur partner interesa y ciudadanonan tin e responsabilidad di lucha contra esaki y spaar energia.

DNM ta un departamento di formulacion di politicanan y tin e responsabilidad di incorpora scuridat den plannan di politica medio ambiental, ademas nan por tuma medidanan ora ta trata di especienan protegi.

DOW ta responsabel di construcccion y mantencion di luz riba camindanan publico di ELMAR, na e momentonan aki DTI, DIP y DOW ta papia di un posibel transferencia di ELMAR y DTI pa e gestion aki. Agentenan di Cuerpo Policial di Aruba ta relaciona cu control riba espacio publico haciendo tareanan di vigilancia, Aruba Conservation Foundation ta gestiona e areanan natural protegi na Aruba, nan ta pone nan esfuersonan pa protege flora, fauna y bestianan y ademas ta duna informacion na comunidad pa crea consciencia publico riba balornan ecologico.

Pa un procedemento, lo por elabora un plan di iluminacion pa edificionan nobo y proyectonan den futuro, den plan di iluminacion ey mester tene na cuenta e naturalesa rond di dje y iluminacion existente na e luga, pa evalua e impacto di proyectonan nobo y supervisa e progreso. Diseño cu mas respet pa e bestianan pa evita e luz innecesario como por ehemplo, luznan cu sensor di movimiento.

Pa finalisa, nan a duna como recomendacion cu e procedura anterior ta coresponde na 5 principio estableci pa DarkSky International y Illuminating Engineering Society (IES). Asina mes, ta existi un similitud grandi entre e SOP aki y e "principio di bon practica" di gobierno Australiano (National Light Pollution Guidelines for Wildlife) na unda aplicando e principionan aki luznan riba caminda publico por ta responsabel y funcional den oranan di anochi, ta bay spaar energia y placa. E proyectonan cu lo incorpora a principionan aki lo reduci contaminacion di luz y e molestia pa flora y fauna di Aruba.

Den un di e potretnan, ta ilustra e aumento di contaminacion di luz na Aruba debi na crecimiento desekilibra den area urbano entre 2012 y 2023. Credito di imagen: lightpollutionmap.inf.

Raad van Advies ta ratifica nan recomendacion pa diseño di Ordenansa di pais Aruba pa establecimiento di ministerionan

Raad van Advies (RvA) ta e organo consultativo di Aruba y e consehero independiente maximo di Gobierno y Parlamento riba e tereno di legislacion y gobernacion. E tarea principal di RvA ta duna conseho tocante proyecto di ley y cu esaki e organo ta hunga un papel importante den trahamento di ley. Banda di esaki RvA ta autorisa pa duna conseho riba propio iniciativa tocante e asuntonan cu ta regarda su tereno di trabou.

Den luna di april di e aña aki RvA a publica nan rapport den cual nan ta trece dilanti informacion tocante e estructura di e organizacion gubernamental. Durante e ultimo aña RvA a duna hopi recomendacion tocante diseño di Ordenansa di pais Aruba pa establece ministerionan of pa cambia nan, diseño di presupuesto di pais Aruba y diseño pa independisa servicionan gubernamental. Den e recomendacionnan aki hopi biaha RvA haci comentario repetitivo tocante e estructura y desaroyo di gobierno.

Den e rapport aki, RvA ta indica cu nan a nota den nan recomendacion mas reciente pa e diseño di Ordenansa di e pais pa establece ministerionan na 2022, cu cada biaha cu un gobiernu nobo ta tuma puesto, manera cu ta sucede cada cuater aña, ta haci un redistribucion di cartera. Areanan politico, y e servicio of compania cu ta relaciona cu nan, personanan publico y organizacion publico, fundacion di gobierno y NV's di gobierno, incluyendo subcompanianan, ta move di un ministerio pa otro, cu algun excepcion, y ministerionan nobo ta wordo forma.

RvA ta remarca cu aunke nan ta compronde cu e desvio di enfasis y e cambio di curso ta inseparable di e entrada di un gabinete nobo den gobierno, esaki a pone dudanan repetitivo tocante e practica aki y a enfatisa e riesgo cu e unidad, continuidad ni consistencia di politica no ta wordo garantisa.



E conseho ta sigui indica cu cambio climatico, transicion di energia, desaroyo demografico, manera e embehecimiento di e poblacion, reforma di cuido di salud, calidad den enseñansa y diversificacion di economia cu e meta pa reduci dependencia di turismo cu ta sigui aumenta, digitalisacion, seguridad di cibernetico, tension geopolitico y otro problema grandi social ta pone gran desafio pa e Pais. Desafio cu ta prolonga mas leu di un periodo di cuater aña y cu mester un bista claro y un plan di maneho integra.

Den e rapport e organo consultativo ta menciona tambe cu durante aña pasa hopi servicionan nobo a wordo forma y otro servicionan a wordo independisa. RvA a adverti den su reco-

mendacion cu aki tambe tin e peligro di fragmentacion den e ehecucion di tareanan gubernamental y e recursonan necesario pa esaki. E crisis di COVID-19 a subraya e importancia di un gobiernu chikito y efectivo, pero pa usa e recursonan limita disponibel na e manera mas eficiente y efectivo, mester tuma cierto decisionnan.

E vice-presidente di e Raad van Advies ta bisa: 'No ta posibel haci tur cos y no ta posibel haci nan na mesun momento. Actua efectivamente ta implica haci escogencia y implementa nan consecuentemente.'

Den e recomendacion di RvA ta keda cla cu hopi biaha no ta cla riba kico ta basa e decision. E organo consultativo ta kere cu ta ora pa haci un inventarisacion nobo di e tareanan gubernamental y basa riba esaki (re) determina si e propio gobiernu mester realisa e tarea of si delega un tarea ta duna un miho resultado. Den esaki mester tene cuenta cu mester garantiza interes publico, rindimento di cuenta social y politico, e grado di envolvimento cu e gobiernu kier tin den e formacion di politica, corporate governance y estructura di supervision solido.

Teniendo esaki na cuenta, e RvA a tuma e iniciativa pa emiti un recomendacion segun articulo 25, elemento A, Ordenansa di Raad van Advies. E recomendacion aki tin e caracter di informacion, cu e organo consultativo ta spera cu den e contexto di e eleccion binidero, por duna direccion den e formacion di pensa-

mento tocante e estructura di organizacion gubernamental.

Pa esaki, RvA ta splica, cu den e prome parti lo mira bek rapidamente riba e comentario cu e RvA a haci tocante e estructura actual di e ministerionan y e expansion di e servicio cu ta cay bou di nan, otro autoridad nobo y otro entidad. E consecuencia di e fragmentacion di e ehecucion di tarea gubernamental, nan ta señala, lo wordo discuti en corto, como tambe e consecuencia pa e contenido y e alcance di e responsabilidad ministerial.

E organo lo presenta tambe un marco teoretico tocante e independisacion di servicionan gubernamental. Tocante esaki, lo evalua e situacion actual y e desaroyo den e periodo cu a pasa.

Nan ta sigui splica cu basa riba un resumen, nan lo presenta recomendacion, ademas di e agenda di implementacion di e Landspakket, riba esnan cu mester duna atencion pronto. Den e appendix di e recomendacion aki, lo presenta un prome paso pa un estructura nobo di e ministerionan cu e organo consultivo ta kere cu lo promove e unidad y consistencia di politica.

Por ultimo, Raad van Advies ta indica cu nan ta spera cu e recomendacion aki lo por duna contribucion pa e restructuracion di un organizacion gubernamental transparente, cu e uso di e recursonan limita disponibel, por realisa su tarea den un manera eficiente y efectivo.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Stichting Stylo Aruba ta presenta proyecto "Papiamento ta mi Idioma"



Diabierna ultimo, Stichting Stylo a tene un conferencia di prensa hunto cu nan sponsor pa presenta e proyecto "Papiamento ta mi Idioma" cu ta bay tuma luga dia 24 di juni awor na Museo Cas Tan Tin pa asina celebra idioma y cultura di Aruba den un anochi di ambiente caminda nan lo uni e pasado cu presente.

E proyecto aki tin e meta pa conscientisa cu Aruba tambe tin un idioma y no ta un dialecto mas, cu Papiamento ta para band'i idioma Hulandes. Diseño di e T-shirtnan cu a ser crea pa e proyecto aki ta pertenece na un mucha di 12 aña e cual a pone tur su talento y creatividad den esaki manera a informa.

Melvin Boekhoudt ken ta presidente di Stichting Stylo a bisa cu dia 24 di juni for di 7or te cu 11or di anochi nan ta bay celebra di manera protocolar e tradicion di e Fiesta di San Juan, un fiesta cu ta celebra e tradicion di isla Aruba na unda ta bay tin un baile cultural cu un obra teatral presenta pa Sr. Jhon Fredy Montoya sin lubida e dushi musica na papiamento cu canticanan di antes cu ta hiba hendenan den tempo di aña 1950, treciendo asina pa comunidad di Aruba e honor di herencia cultural.

Den esaki, lo por mira e vestuario cu hendenan tabata usa antes na unda no ta bay ta un show solamente pa cultura sino tambe pa trece e pasado den presente manera Boekhoudt a sigura.

Un di e momentonan mas interesante di e anochi aki ta bay ta un ceremonia pa duna reconocimiento na algun un personanan special cu ta dedica nan mes na preservacion, promocion y duna balor na idioma

papiamento. E reconocimiento aki ta pa demostra cu Aruba ta un pais cu ta balora su hendenan y su herencia cultural, di e forma aki nan gradici na e personanan aki y ta admira nan trabou y nan lucha pa mantene idioma papiamento na halto pa futuro generacionnan di Aruba.

Cu e actividad aki nan kier cuminsa promove idioma papiamento "pasobra esaki ta di nos, ta un herencia cu nos a haya di nos grandinan y nos tin cu cuminsa proteha nos idioma, p'esey nos tur tin cu uni pa asina trece un tremendo trabou pa nos futuro generacion pasobra ta nan ta esun cu ta bay bin despues di nos y ta bay percura pa nos lenguahe keda." Boekhoudt a sigura.

Nan ta un organisacion cu ta promove e lenguahe papiamento, pa esaki Boekhoudt a sigura cu nan no ta un corector pero nan ta bringando si pa por yega na e nivel ey.

"Den nomber di Stichting Stylo Aruba y tur nos sponsor, nos no tin palabra pa gradici pasobra e ta un tremendo ayudo cu nos a haya di nan," el a bisa.

Boekhoudt a haci entrega di e prome T-shirtnan di "Papiamento ta mi Idioma" na sponsornan presente y tambe a señala cu lo tin mas sorpresanan cu ta bay bin den proximo dianan.

Ademas, el a trece dilanti cu Stichting Stylo Aruba a ser lanta na aña 2010 pero na prome instante nan no tabata kier sali den publicidad, "nos semper a traha tras di cortina, den temporada di Covid-19 nos a yuda hopi hende y hobennan pa nan no perde nan aña escolar, awor door di e proyecto aki nan a tuma e decision pa bin dilanti y p'esey hopi hende no ta conoce



nos pero comerciantenan cu a sostene nos si sa di nos."

Boekhoudt a sigura cu nan no ta haya subsidio di ni un instancia sino cu nan ta depende riba lo cual comercio por duna nan y cu esey nan ta duna comunidad back.

Di loke ta trata e proyecto aki "Papiamento ta mi Idioma" el a comenta cu nan tin tres aña cu a cuminsa traha den dje pero no ta un proyecto di nan mes, e idea original tabata di Etty Toppenberg den feliz memoria y Boekhout a tum'e back "e ta un persona cu a traha hopi duro pa su cancionnan, el a traha hopi duro pa Aruba,

Etty Toppenberg semper a bisa cu mester bin algo pa promove papiamento y awe su soño a bira realidad."

Asina mes, a anuncia cu nan ta bay tin proyectonan pa hoben como tayernan y cursonan.

Evento di dia 24 di juni ta un evento priva protocolario, pa motibo cu Museo Cas Tan Tin no tin capacidad pa hopi hende, sinembargo, Boekhoudt a informa cu den transcurso di dianan lo tin mas informacion pa un evento mas grandi pa publico en general e cual ta e di dos fase di "Papiamento ta mi Idioma" y esey ta bay ta gratis.



Minister di Finanzas ta comparti preocupacion di ARA: “A tuma accion pa introduci un maneho di participacion y dividendo pa companianan estatal na Aruba”



Siman pasa, Algemene Rekenkamer Aruba (ARA) a publica su raport 'Op afstand, maar toch dichtbij' riba e relacion di Gobierno y su companianan estatal. Minister di Finanzas, Xiomara

Maduro ta comparti e preocupacionnan di ARA y ta informa cu a tuma accion caba riba esakinan den tema B di Landspakket riba e 'deelne-

ming y dividendbeleid' pa Gobierno di Aruba. Minister di Finanzas ta informa cu e prome paso ta tuma den e investigacion 'Doorlichting overheidsbedrijven Aruba,' haci na aña 2022 cu ta disponibel riba [www.gobierno.aw](https://cuatro.sim-cdn.nl/arubaoverheid2858bd/uploads/doorlichting_b2_landspakket.pdf) via e link https://cuatro.sim-cdn.nl/arubaoverheid2858bd/uploads/doorlichting_b2_landspakket.pdf.

"Awo nos ta bezig cu e di dos paso cu ta e plan cu KPMG Advisory di Hulanda y e compania local PKF ta trahando pa Gobierno por introduci y hiba acabo un maneho di participacion y dividendo pa companianan estatal. E maneho lo conta pa e companianan estatal Setar, Freezone, Post Aruba, AAA, Elmar, WEB, RDA, APA, ANSA, Arubus y Utilities. Pa Gobierno, Minister di Finanzas lo ta encarga pa hiba acabo e maneho di participacion y dividendo na e companianan estatal." Ta e reaccion di Minister Maduro di Finanzas riba e raport mas reciente aki di ARA.

2024 lo ta e miho aña pa e industria Cantidad grandi di turista crucero mañan na Aruba



Na 2023 e industria di crucero na Aruba a conoce un recuperacion remarcabel yegando na 98.3% di e nivelnan di bishitante compara cu 2019 y sobrepasando tur expectativanan prome cu e pandemia. 2024 tambe ta demostrando di ta un aña prometedor pa e industria, unda ta spera di sobrepasa e record di cantidad di pasahero na 2019. Aruba Ports Authority N.V. ta premira cu 2024 lo conoce un crecimiento di alrededor di 4% compara cu 2019.

Mañan, diamars 18 di Juni, Aruba lo wak un bon dia pa e industria cu 3 barco den waf. Carnival Vista, Celebrity Beyond y Carnival Celebration, lo trece alrededor di 12 mil pasahero cual sigur lo trece su impacto den centro di Oranjestad y rond di Aruba. Esaki sigur ta un desaroyo importante ya cu actualmente nos ta den e temporada abou di e industria y esaki ta yuda empuha e sector comercial pa nos isla, particularmente den e centro di nos cuidad.

Un estudio recientemente publica door di Aruba Tourism Authority ta indica cu na 2023, un turista di crucero ta gasta un averahe di \$172.50 durante nan estadia di un averahe di 12 ora riba nos isla. Esaki sigur ta un contribucion importante na nos economia. Ademas di e impacto economico, estudionan realisa door di Cruise Line International (CLIA) ta indica cu alrededor di 60% di pasaheronan cu a yega di bishita un destino pa prome biaha den un crucero ta regresa e destino como 'stay-over', subrayando un potencial importante di e industria aki. Conversion di turista crucero pa turista 'stay-over ta un meta importante pa Aruba.

Ariba www.arubaports.com den e seccion di schedule di barconan di crucero por haya mas detaye di e barconan crucero cu lo ta den waf mañan.

Tocante Aruba Ports Authority:

A funda Aruba Ports Authority N.V. na aña 1981. E compania ta pertenece 100% di Gobierno di Aruba y tin 80 trahado den servicio directo. Hunto ta mancha e dos wafnan di Aruba, pues tanto esun di crucero na Oranjestad como tambe esun di carga na Barcadera, unda nan tin un acuerdo di operacion cu ASTEC. Pa aña ta yega mas o menos 330 crucero na Oranjestad. E compania ta stabiel y ta bou maneho di Marc Figaroa.

MEMORIA ANCESTRAL

– Recordando storianan silenciosa, pa un futuro empodera –

Un obra conmemorando 160 aña di abolicion di esclavitud

Presentacion di anochi:

5 y 6 di juli, 8pm.

Entrada general AWG. 25,-, obtenibel na Cas di Cultura, Pay.aw y Plaza Bookshop.

8 Presentacion special di mainta, dianan:
27 y 28 di juni
2 y 5 di juli
Oranan 8:30am y 11:00am.

Entrada GRATIS pa scolnan, personal di fundacionnan y empleado publico
AWG. 15,- pa empleado di sector priva.

Registra aki pa show di mainta



Na Sur Africa, curanderonan tradicional ta uni e lucha contra HIV

(AP)—E murayanan di e hut di Shadrack Mashabane den e ciudad rural di Sur Africa, Bushbuckridge, ta cubri cu fabricanan tradicional, cu un bentana chikito e unico fuente di luz. Loke ta sobresali entre e yerbe- y medicinan den boter di glas ta un caha blanco conteniendo un testing kit pa HIV.

Mashabane ta un di al menos 15 curanderonan tradicional den e ciudad ken, den un estudio piloto, a haya entrenamiento na e University of Witwatersrand pa conduci testing di HIV y consulta den un esfuerso pa sigura cu lo mas Sur Africa posible sa nan status di salud.

E ta parti di e esfuerso mas grandi conoci den e pais pa envolbe curanderonan tradicional den un meta di salud publico y studia e resultadonan. Mas despues den aña, al menos 325 otro curandero lo haya entrenamiento y lo bira conseheronan certifica pa HIV. Investigadornan lo compara grado di testing pa HIV pa curandero- y clinicanan.

Mayoria curandero tradicional tin conocimiento caba di HIV—algun for di experiencia personal—y ta hopi dispuesto pa ta involvi, e investigadornan a bisa. Sur Africa tin un di e gradonan mas halto di HIV na mundo. Stigma ta keda den hopi comunidad rondando e malesa y su tratamiento—aunke medicamento antiretroviral contra HIV y profilaxis pre-exposicion ta gratis. Preocupacionnan tocante privacidad

na clinica tambe ta mantene hende for di busca ayudo.

Hopi hende den areanan rural ta bay cerca curanderonan tradicional como nan prome punto di contacto pa mal-estar, y e proyecto ta spera cu nan por cambia actitud tocante esaki. E poblacion mas jong na Sur Africa ta un preocupacion particular. Un estudio di gobierno publica na december aña pasa a muestra cu hende bibando cu HIV a cay for di 14 porciento na 2017 pa 12.7 porciento na 2022, pero predominancia di HIV a aumenta entre mucha muhenan entre 15 y 19 aña di edad, un fenomeno cu ta ser atribui principalmente na hende homber mas bieu teniendo relacion sexual cu nan.

Aproximadamente 2,000 curandero tradicional ta opera den e ciudad di Bushbuckridge di e provincia Mpumalanga, cual ta cas di aproximadamente 750,000 hende, proveendo servicionan tradicional y spiritual.

Mashabane a bisa cu pashentnan ta hay'e dificil prome cu e tabata ofreciendo testing pa HIV—un servicio cu nan a spera di ta disponible solamente na clinicanan. “Hopi no tabata convenci. Mi mester a muestra nan mi certificado pa prueba cu mi tabata cualifica pa haci esaki,” el a bisa.

E proceso ta inclui e firmamento di documento di persona pa haya test, hunto cu un consulta follow-up cu Mashabane pa sigura cu pashentnan cu ta test positivo ricibi nan tratamiento for di e

clinica local.

El a bisa cu pa conta pashentnan cu nan a test positivo pa HIV no ta asina dificil pasobra e malesa por ser trata cu medicamento disponible. Pero den hopi caso, e mester a acompaña e pashent na e clinica “pa haci'e mas facil pa nan.”

Florence Khoza ta un otro curandero tradicional cu a haya entrenamiento pa test pa HIV. El a bisa cu comportamiento sexual riesgoso ta comun. Frecuentemente e ta bende yerbe tradicional y medicamento pa trata gonorea, pero awo e ta bay mas leu ainda por medio di conseha pashentnan pa test pa HIV. “Mi ta bisa nan cu esaki ta den nan miho interes,” el a bisa.

Khoza a bisa cu hopi pashent tin miedo di bay clinica of hospital y pa tin otro miem-



bro di comunidad mira nan colecta tratamiento contra HIV. “Den hopi caso mi ta colecta e medicamento di HIV pa nan,” el a bisa.

Ryan wagner, un investigador cu e estudio, a bisa cu testing y tratamiento via curandero di medicina tradicional por “resultado ultimamente den e fin di casonan nobo di HIV

den comunidnan mesun rural cu Mpumalanga, cual tin e peso di HIV mas grandi globalmente.”

Investigadornan ta spera cu nan descubrimiento lo inspira e gobierno Sur Africano pa implementa entrenamiento asina den henter e pais.



PROGRAMA FORUM DI TELEARUBA TRAFICO SIGUR

ROTONDE

FAHA DI SIGURIDAD Y KEUR AUTO

ALCOHOL DEN TRAFICO

Diamars, 18 di Juni 2024
8:30 pm – 9:30 pm
Live riba canal 13, 313 y Youtube @telearubanv

www.traficosigur.aw







Ferenc Zsolt Szabó nombra como Secretario di Estado pa Relacion di Reino den number di PVV

(CuraçaoChronicle) – Ferenc Zsolt Szabó (62), un politico veterano di VVD, a keda nombra como Secretario di Estado nobo pa Digitalisacion y Relacionnan di Reino, representando PVV.

Szabó, 62, actualmente ta fungi como vice-presidente na Capgemini, un compania di IT cu contractnan signifi-

cante di gobierno.

Nombramento di Szabó ta genera algun duda, mirando su aparente falta di conexon cu e partinan Caribense di Reino Hulandes. Su background ta particularmente hancra den ICT y cooperacion di desaroyo, areanan den cual e tin experiencia extenso. Herencia Hungaro di Szabó ta añadi un dimension unico

na su perfil.

Ademas di su rol na Capgemini, Szabó tambe ta vice-presidente di ECP, un plataforma dedica na avansa e sociedad di informacion. Su carera politica ta inclui un termino di 2003 pa 2006 como vocero di VVD pa ICT y cooperacion di desaroyo.

Parlamentario di PVV acusa di racismo toch nombra minister di Asilo y Inmigracion

(CuraçaoChronicle) – Politico controversial Marjolein Faber toch a keda nomina como minister di Asilo y Inmigracion, segun Richard van Zwol, kende ta liderando e discusion entre e cuatro partido formando un gobierno nobo di coalicion. Van Zwol a tene combersacionnan di crisis cu lidernan di PVV, VVD, NSC y BBB y e prome minister anticipa, Dick Schoof. Partidonan di oposicion a expresa decepcion cu e decision diabierna tardi.

Schoof no a duna comentario despues di reunion, bisando solamente cu tabata un "combersacion util." Lidernan di PVV, VVD, NSC y BBB a nenga di duna comentario.

For di awe te diaranson, Van Zwol ta bay ricibi tur minister candidato cu a keda nomina oficialmente. Number di Faber no tabata riba e overview comparti diabierna pa

oficina di prensa pa formacion di Gabinete, pero Van Zwol a bisa despues cu tambe ta bay invita Faber pa un entrevista.

Faber a ricibi critica pa motibo di comentarionan cu el a yega di haci durante su carera politico di 12 aña, y e manera den cual a nombr'e a frustra VVD y NSC. Faber a boga pa abolicion di Islam ora e tabata miembro di Eerste y di Tweede Kamer. E tambe a bisa cu migracion ta "repoblacion", un termino cu prome minister Mark Rutte a bisa ta origina for di Nazismo. Tambe un biaha Faber a bisa cu gabinete di Rutte tabata como un "di cinco pilar" pa mina Estado Hulandes.

Adicionalmente, un biaha el a alega cu un sospechoso di hincamento tabata muestra "Nort Africano", a pesar di declaracionnan di testigo bisando lo contrario. Un persona blanco Hulandes eventualmente a keda aresta, pero Faber a nenga di retracta su declaracion. E

tambe a contrata negoshi di su yiu homber pa crea e website PVV Gelderland y website di PVV Senado, y a pag'e usando placa di e partido.

A yama e reunion di emergencia despues cu lider di VVD, Dilan Yesilgoz a papia criticamente diabierna mainta tocante nombramento id Faber. Faber, kende actualmente ta sinta den Parlamento, a keda nombra sucesor di Gidi Markuszower. Su colega Parlamentario a keda elimina como candidato ministerial diahuebs despues cu el a faya den e screening di seguridad ehecuta pa agencia di inteligencia civil, AIVD. Lider di PVV, Geert Wilders a tuma e decision cu Van Zwol.

"Tin conmocion tocante mi declaracionnan cu mi a haci den pasado como miembro di oposicion. Tambe entre fraccion VVD y NSC. Mi ta compromete esey," Faber a skirbi riba X. El a bisa cu si e bay den Gabinete, e ta bay expresa



su mes dentro di e limitenan di acuerdo di coalicion, y nan promesa pa sostene "estado di derecho." Esaki ta inclui provisionnan tocante libertad di religion.

Van Zwol a bisa cu e ta pensa cu e politico ta un candidato adecuado pa e funcion y a bisa cu e tambe a pasa e screening di AIVD. No tin precedente pa e nomber di un candidato ministerial bira conoci y despues di screening e keda elimina. Tambe ta hopi inusual pa un partido di coalicion cuestiona abiertamente un minister candidato, manera VVD a haci cu Faber. "Realmente ta sucede den cada formacion cu un of mas di e candidatonan en particular ta haya nan mes den spotlight," segun Van Zwol, purbando di minimisa e situacion.

Durante e consulta cu e lidernan di fraccion, tambe a discuti con nan ta comunica nan reserva y disatisfaccion cu otro. Van Zwol ta bisa cu di awo en adelante nan ta bay "expresar nan mes mas tranquil den medionan di comunicacion." E intencion aki a keda expresa varios biaha durante proceso di formacion, y toch e partidonan negociando a continua criticando otronan riba medionan tradicional y rednan social. El a enfatisa varios biaha cu e kier mantene "paz y orden."

Ainda no ta conoci ken ta bay bira vice-prome minister den number di PVV. Segun Van Zwol, ainda no a discuti esaki. Wilders ta bay anuncia e nomber awe dialuna a mas tardar.



Parlamento ta bay discuti propuesta di Calmes pa prohibi matrimonio di mesun sexo e siman aki

(CuraçaoChronicle) – E amienda proponi pa parlamentario Rennox Calmes pa e Constitucion di Corsou pa prohibi matrimonio di mesun sexo ta bay keda discuti e siman aki den un reunion di Comité Central di Parlamento di Corsou.

Calmes tin como meta pa permiti solamente matrimonio entre personanan di diferente

sexo. E ta considera matrimonio entre un homber y un muhe como un parti fundamental di sociedad di Corsou. Segun Calmes, matrimonio heterosexual ta alinea cu e norma y balornan di e isla y ta crucial pa estabilidad y cohesion entre e pueblo.

Anteriormente, corte a duna veredicto cu exclusion di matrimonio di mesun sexo

ta viola e prohibicion contra discriminacion.

Por haci amienda pa Constitucion solamente si Parlamento aproba esaki den un voto, sigui pa un mayoria di dos tercer parti di parlamentario na favor di e propuesta. E discusion riba e amienda den Comité Central ta programa pa diaranson, cu e reunion cuminsando pa 9or di mainta.

Cumbre di Ucrania: Rutte ta mira e propuesta di paz di Putin como un señal di panico

(NLTimes) – E “propuesta di paz bobo” di presidente Ruso, Vladimir Putin pa Ucrania diabierna ultimo ta muestra cu e ta “claramente den panico,” prome minister saliente di Hulanda, Mark Rutte a bisa na e cumbre di paz di Ucrania na Suiza.

Den bispo di e conferencia, Putin a pone condicionnan bao cual Rusia lo ta prepara pa discuti pone un fin na e guerra. Ucrania lo mester renuncia su miembresia di

NATO y retira for di algun territorio ocupa pa Rusia.

No a invita Rusia na e cumbre di paz cerca di Lucerne. Segun e pais anfitrión, Suiza, esaki tabata pa motibo cu e Kremlin repetidamente a laga cla cu no ta interesa y lo a ignora un invitacion toch. Superpoder China tampoco tabata participando den e conferencia.

Rutte ta pensa cu ta un “error” cu Putin no kier bin y papia y ta rechasa rumornan cu e

cabesante di estado Ruso lo bishita Nort Korea. El a destaca cu “mita di ONU” ta representa na Suiza y cu hopi pais a delega nan cabesantenan di estado y gobierno.

Rutte a enfatisa riba X cu e cumbre ta manda un señal fuerte cu hopi paisnan buscando un caminda pa paz y seguridad. Ademá, e cumbre di Ucrania tambe ta bisa na Rusia cu “un cantidad grandi di pais ta firme den nan conviccion cu mester sostene ley internacional,” Rutte a skirbi.



Polis di Corsou ta aresta di tres sospechoso den asesinato di polis militar



(NLTimes) – Polis di Corsou a aresta un di tres sospechoso den asesinato di adjutant di polis militar real, Toon Brood. Ta trata di un Curasoleño di 26 años di edad. El a keda aresta den e anochi di diabierna pa diasabra. E otro dos sospechoso a reporta na polis separa.

E di tres sospechoso di 26 años di edad a keda aresta pafo di un restaurant den anochi, polis a bisa. Despues di e aresto, polis a inicia un buskeda y a confisca varios articulo.

A tira Brood mata na su cas diabierna dia 31 di mei. Tres homber cu cara tapa a invadi

su cas laat e anochi aki. Brood y su esposa tabata sinta na e terras. Brood a lanta pa investiga un zonido y a tir’e. Su esposa a duna e hombernan e yabi di auto, y nan a huy cu e auto y varios articulo for di cas di e pareha.

Diabierna 7 di juni, un homber a entrega su mes na polis. El a keda aresta pa ta involucra den morto di Brood. Diasabra, polis a aresta otro homber pa a horta motorcycle di e agente Hulandes. Un di tres sospechoso a keda aresta diadomingo mainta. Sinembargo, e ta sospechoso den otro caso di asesinato.

Segun Curacao.nu, Brood a traha pa polis militar na Corsou pa 23 años. Hefe Heiko

de Jong a bisa e corant cu e incidente teribel aki a muestra cu e isla tin “un problema mayor cu arma di candela ilegal, y ya nos ta trahando riba

esaki. Talbes e incidente aki ta bay nifica cu nos por abord’e mas seriamente ainda y cu e castigonan pa posesion ilegal di arma tambe por aumenta.”

Segun minister, aeropuertonan por opera sin permiso di naturalesa

(NLTimes) – Aeropuertonan di Eindhoven y Rotterdam The Hague no mester un permiso di naturalesa, segun minister di Naturalesa y Nitrogeno saliente, Christianne van der Wal. El a informa Tweede Kamer cu e ta imponiendo un limite nobo riba emision di nitrogeno for di trafico di aire na e dos aeropuerto. E limite aki ta coresponde na e emisionnan calcula pa e aeropuertonan.

“Esaki ta bay preveni mas nitrogeno di wordo emiti den futuro,” Van der Wal a bisa. E decision formal ta bay ser tuma awe dialuna. E ora e lo keda publica den Landscourant.

E impacto di aeropuertonan riba reservanan di naturalesa, y e rechaso di e minister pa tuma accion contra esaki, ta e tema di proceduranan legal pa años. Organizacion ambiental MOB, entre otro, ta pensa cu e aeropuertonan mester keda reduci significativamente den tamaño, y ta purbando pa forsa esaki den corte. Hasta despues di decision di Van der Wal, e bataya legal aki no a caba.

Presidente di MOB, Johan Vollenbroek a bisa cu su organisacion tambe ta bay reta e decision aki. Vollenbroek a yam’e “otro huicio di cabrito di e Gabinete bieu” y “un solucion provisional.” E ta acusa e minister di “obstruccion legal” ya cu e decision ta bay conduci na mas retraso den un dossier cu ta alargando pa años.

Den su carta, e minister saliente a splica cu e aplicacionnan entrega pa e dos aeropuerto tabata ekivalente na “derechonan existente” cual ya nan tabatin pa años y ta irevocable. Pues, segun e minister, no tabata “necesidad pa aprobacion.” E tabata respondiendo en parti na e veredictonan critico di corte na Gelderland, cual anteriormente e año aki no tabata convenci cu gobierno tabata tumando medidanan suficiente contra emisionnan di nitrogeno pa protege reservanan natural.

Pa e motibo aki, ta bay somete aeropuertonan na un standard obligatorio di nitrogeno, y ta obliga pa reporta riba esaki cada año.



Jolley Holding Aruba V.B.A. JOB OPPORTUNITY Manager Internal Audit

Jolley Holding consists of 25 operating companies with diverse activities such as car dealers, car rental and leasing, retailing of souvenirs, gifts, books, leisure clothing etc, wholesale of consumer goods and pharmaceuticals, industrial laundry, real estate. The Group is active in Aruba, Bonaire, Curaçao and Antigua.

We are looking for a manager of the Internal Audit Department of Jolley Holding. The Auditor will be responsible for streamlining internal controls and procedures, executing audit procedures to ensure that appropriate controls exist, processing is efficient and accurate and procedures are in compliance with corporate standards.

The Auditor also works on special projects with an emphasis on developing value-added recommendations that will significantly enhance our businesses. As the Auditor you will be reporting to the senior management of the Holding and the Audit Committee.

Jolley Holding offers a challenging position within a dynamic, international working environment where there is strong emphasis on both teamwork and self-reliance. Jolley Holding offers excellent compensation packages including secondary benefits such as a pension plan.

Job requirements

- A bachelor's degree in accountancy, controlling or being in an advanced study stage of obtaining a degree.
- At least 4 years successful experience in audit, control or operational risk management.
- Good communications skills and a great team player.
- Highly developed attention to detail and accuracy.
- Able to work with tight deadlines and high standards of quality.
- Thrives on the challenge of working in diverse environments.
- Able to travel abroad on short trips.
- Strong command of spoken and written English. Being fluent in Dutch and Papiamentu is considered an advantage.
- Part time employment can be optional.

Contact information

Is this the job you are looking for? Apply in writing (including your resume) to Mr. Sudesh Manichand, Managing Director Jolley Holding at Croesstraat 3, Oranjestad, Aruba or send an email at hrrm@jolleyholding.com. For more information call (+297) 528 9550.

A psychological test and past employer background check are part of our recruiting process. All information will be treated with the utmost confidentiality and discretion.

Brazil: Muhenan a protesta contra penalizacion di aborto como homicidio

(DW) – Diasabra ultimo miles di hende muhe a bay back riba e cayanan di Sao Paulo na Brazil, contra e proyecto legislativo cu ta busca identifica cu e interrupcion di embarazo for di e siman number 22 ta bay bira homicidio, incluyendo pa casonan di violacion.

Esaki ta e di dos manifestacion den ultimo tres dia na e capital contra e proposicion patrocina pa gruponan di diputadonan ultra conservador, varios di nan di Partido Liberal (PL), den cual e ex-presidente ultra-derechista Jair Bolsonaro ta lider.

Manera 13 di juni ultimo, mey centenar di institucion y colectivo feminista a concentra na Avenida Paulista, un di e principal di Sao Paulo y a recore e centro cu ta e mayor parti di e ciudad aki di Brazil.

Bisti cu pañanan berde, e



manifestantenan a pidi na hefe di Camara di Diputado, Arthur Lira, despues cu e pleno a aproba, cu mayoria y den un votacion expres, discuti e proyecto cu caracter di urgencia pa continua cu e tramite parlamentario.

Cu e grito cu nan a ripiti na Rio de Janeiro, Brasilia y otro ciudadnan "Criança não é mãe" (Un mucha muhe no ta un mama), nan kier denuncia e indice halto di embarazo adolescente y e posibilidad cu e problema lo bira pio cu e proyecto aki, cu ta responde

na demanda di movemetonan evangelico mas conservador.

Segun datonan di sistema publico di salud Brasileño, 44 baby cu ta nace cada ora nan tur ta di mamanan hoben na Brazil, den e cual dos di e

mama tin entre 10 y 14 año. Den marco aki, e ley ta plantia –a traves di modificacion diCodigo Civil– castiganan di prison similar na esun di homicidio pa muhenan cu ta interumpi nan embarazo despues di 22 siman.

Si e proyecto aki ta sigui su caminda, cu aprobacion di Camara di Diputado y Senado, aborto den condicionnan aki –incluyendo esnan cu lo ta producto di un violacion– ta bay ser castiga como “un homicidio simpel” cu castigo cu ta varia entre 6 y 20 año di prison.

Hende muhe victima di violacion cu ta aborta cu casi 6 luna di gestacion lo tin un castigo mayor cu nan agresor, entre 6 y 12 año di prison.

Presidente Luiz Inacio Lula da Silva a cualifica esaki como “un locura” y a reconoce cu aborto ta un “realidad” y a pidi pa trata e tema aki “como un cuestion di salud publico.”

Congreso di Colombia a aproba reforma den sistema di pension



(DW) – Camara di Representante di Colombia den un ultimo debate cu a tuma luga diabierna di siman pasa, a aproba e reforma di sistema di pension proponi pa Gobierno, cu awor ta bay pasa pa sancion presidencial pa por bira un ley.

E iniciativa aki, un di e reforma principal di presidente Gustavo Petro, a haya 88 voto na favor y 23 den contra, segun Camara di Representante a informa.

“Un gran noticia pa e pueblo Colombiano. Colombia ta avansa pa un behes digno y decente! A ser aproba e reforma pensional den Camara di Representante. Pa un sistema di proteccion di behes, invalidez of morto,” Ministerio di Labor, cu a elabora y a haci impulso di e iniciativa aki a destaca riba e red social X.

Esaki ta e prome di e reformanan gubernamental cu Congreso ta aproba den actual legislatura cu ta culmina

dia 20 di juni, reforma di labor ta sigui den proceso, di salud a zink na maart y di educacion te ainda ta falta un debate pa bira ley.

E obhetivo di e proyecto ta pa mantene e edad di hubilacion den 57 año pa hende muhe y 62 año pa hende homber, ta amplia e sistema pa tur por haya beneficio di recurso nan incluyendo sin nan no a aporta lo suficiente den salarionan.

E proyecto tin cuatro pilar,

esun prome di e cual ta bay beneficia na dos miyon y mei di adulto mayor cu no a contribui nunca of a horta nan placa y cu awendia tin mas di 65 año. E di dos ta admiti esnan cu a contribui den mayor parti di nan bida, pero cu esey no ta logra e pension. Pa e motibo ey nan ta bay ricibi un renta pensional conforma pa loke nan a aporta na fondo publico Colpensiones y un subsidio di hasta 30% cu Estado Colombiano ta bay otorga. E di tres pilar ta pa esnan cu ta aporta cu entre un

y hasta 2 of 3 salario minimo mensual, cu ta Colpensiones. Y di ultimo pilar ta pa esnan cu gana mas di 2 of 3 salario minimo, pa nan ta bay garantiza e posibilidad di contribui na excedente den fondo priva di pension di nan eleccion y segun nan nivel di entrada.

Pero congresistanan di diferente partido a critica e forma den cual e proyecto a ser aproba, pa motibo cu Camara no a debati e contenido, sino cu a vota pa e mesun proposicion cu Senado a aproba.

P’esey, e reforma pensional no lo mester concilia sino cu pasa directamente na sancion presidencial pa bira ley. E representante Caterine Juvinao, di partido Alianza Verde, a afirma cu “nan ta obliga nos vota cu un proposicion so presenta pa pacto Historico, pa congresistanan gobiernista, pa no debati e reforma na Camara, sino pa nos simplemente vota pa e texto cu Senado a aproba.”

“Di aproba e proposicion aki (manera a sucede) e debate ta caba. E ta manera Camara a debati y vota si na tur loke Senado a bisa y ya, e reforma pensional ta keda aproba,” Juvinao a bisa den un video transmiti riba su rednan social.

Sabornan ku ta pone bo smile

fl 3.50

Strawberry Sundae, e pasaboca cu bo gusta ta bek

McFlurry®
•STRAWBERRY•
Cheesecake

NOBO

Cone di Vania, Awor na un preis iresistibel

Pasa busca nan na nos restaurantnan

*Imágen di referencia

Lidernan Haitiano ta nombra hefe nobo di polis mientras violencia di gang ta cobra bida di agentenan

(AP) — **Lidernan Haitiano a duna retiro na Frantz Elbe, director di Polis Nacional Haitiano, despues di lunas di critica cu e no tabata haci suficiente pa protege agentenan di polis bao atake di gangnan.**

Un oficial di gobierno no autorisa pa papia cu medianan di comunicacion a bisa Associated Press diasabra cu ex-hefe di polis Haitiano, Normil Rameau ta bay asumi e cargo un biaha mas pa un departamento cu falta di fondo y ekipo, cual ONU ta nota tin apenas como 4mil agente activo cada momento na un pais di mas di 11 miyon habitante. Rameau a haya retiro di su puesto casi cuatro aña pasa bao un administracion diferente.

Mas cu 2,500 persona a ser asesina of herida na Haiti den e prome tres luna di aña mientras violencia di gang ta keda aumenta.

Entre e victimanan di ases-

inato tin mas di dos decena di agente di polis, abruma pa gangnan cu ta controla 80% di Port-au-Prince y ta miho ekipa y tin armanan mas poderoso. E asesinatonan mas recien a enfoca riba tres agente di un unidad tactico anti-gang recien forma cu tabata patruyando den un vehiculo arma. Un di cuatro ta keda desaparecido.

Di 2015 pa 2024, mas di 320 agente di polis a perde nan bida, cu 120 di nan asesina bao administracion di Elbe, segun un encuesta publica e siman aki pa e grupo non-profit local, Red Nacional pa Defensa di Derechonan Humano.

Nombramento di Rameau ta yega mientras un prome minister recien eligi y su gabinete ta tuma mando di gobierno di Haiti cu un conseho presidencial transicional banda di nan.

Anteriormente, Rameau a fungi como director general

di polis bao presidente asesina, Jovenel Moise, kende a nombr'e na augustus 2019. Prome cu esey, el a supervisa e division di detective. El a haya retiro como hefe di polis na november 2020, despues cu prome minister Joseph Joute a acus'e di ta incompetente y no duna resultado na momento unda gangnan tabata tumando control di mas teritorio.

Ni Rameau ni Elbe a contesta mensahe pidiendo comentario.

Oficina di Proteccion di Ciudadano Haitiano a elogia e seleccion di Rameau como hefe di polis y a exige pa e actua rapidamente pa stop actividadnan di gang y establece un plan di seguridad pa combati violencia. Tambe a urgi polis pa pusha autoridadnan hudicial pa habri investigacion riba e asesinato di ciudadanonan, incluyendo periodista, y riba loke a yama e escape "espectacular" di mas di 4,500 pris-



onero na maart despues cu gangnan a tene un incursion na e dos prison mas grandi di Haiti. E oficina a bisa cu e atake a tuma lugar "cu indiferencia completo" di Elbe y e ex-ministernan di Husticia y Seguridad Publico.

Unidadnan di polis Haitiano riptidamente a haci yamado

pa renuncia y aresto di Elbe, notando cu gangnan a ataca y kima mas di 30 warda di polis y sub-warda den lunanan recien como parti di un serie di atake cu a cuminsa dia 29 di februari enfocando riba infraestructura estatal critico y a conduci na e eventual renuncia di ex-prome minister Ariel Henry.



AMC MEGASTORE
L.G SMITH BOULEVARD 144

AMC DAKOTA
AVENIDA MILIO CROES 41

AMC SAN NICOLAAS
BERNARD VAN DE VEEN
ZEPPENFELDSTRAAT 78

SHOP ONLINE: shop.amcunicon.com

BONDIA[®]
ARUBA

UEFA EURO CUP 2024

GOOOOAAALLLL!

Alhambra
CASINO AND SHOPS

DAILY PROMOTIONS, FRIENDLY STAFF,
WHERE ARUBA GOES TO PLAY!

J. E. Irausquin Blvd # 47 | www.casinoalhambra.com

GRUPO A				GRUPO B				GRUPO C				GRUPO D				GRUPO E				GRUPO F								
ALEMANIA (GER)	SCOCIA (SCO)	HUNGARIA (HUN)	SUECIA (SUI)	ESPAÑA (ESP)	CRÓATIA (CRO)	ITALIA (ITA)	ALBANIA (ALB)	SLOVENIA (SVN)	DINAMARCA (DEN)	SERBIA (SRB)	INGLATERRA (ENG)	SLOVENIA (SVN)	HOLANDA (HED)	AUSTRIA (AUT)	FRANCIA (FRA)	BELGICA (BEL)	SLOVAKIA (SVK)	ROMANIA (ROU)	UKRAÏNA (UKR)	TURKIA (TUR)	GEORGIA (GEO)	PORTUGAL (POR)	CZECIA (CZE)					
GER	5	JUNI 14 7:00PM MD 1-3	1	SCO	ESP	3	JUNI 15 5:00PM MD 1-3	0	CRO	SVN	7	JUNI 16 5:00PM MD 1-3	7	DEN	POL	7	JUNI 16 2:00PM MD 1-3	2	NED	ROU		JUNI 17 2:00PM MD 1-3	UKR	TUR		JUNI 18 5:00PM MD 1-3	GEO	
HUN	7	JUNI 15 1:00PM MD 1-3	3	SUI	ITA	2	JUNI 15 8:00PM MD 1-3	7	ALB	SRB	0	JUNI 16 8:00PM MD 1-3	7	ENG	AUT		JUNI 17 8:00PM MD 1-3		FRA	BEL		JUNI 17 5:00PM MD 1-3	SVK	POR		JUNI 18 8:00PM MD 1-3	CZE	
GER		JUNI 19 4:00PM MD 2-3		HUN	CRO		JUNI 19 2:00PM MD 2-3		ALB	SVN		JUNI 20 2:00PM MD 2-3		SRB	POL		JUNI 21 5:00PM MD 2-3		AUT	SVK		JUNI 21 2:00PM MD 2-3	UKR	GEO		JUNI 22 2:00PM MD 2-3	CZE	
SCO		JUNI 19 4:00PM MD 2-3		SUI	ESP		JUNI 20 8:00PM MD 2-3		ITA	DEN		JUNI 20 8:00PM MD 2-3		ENG	NED		JUNI 21 8:00PM MD 2-3		FRA	BEL		JUNI 22 8:00PM MD 2-3	ROU	TUR		JUNI 22 5:00PM MD 2-3	POR	
SUI		JUNI 23 7:00PM MD 3-3		GER	ALB		JUNI 24 8:00PM MD 3-3		ESP	ENG		JUNI 25 8:00PM MD 3-3		SVN	NED		JUNI 25 5:00PM MD 3-3		AUT	SVK		JUNI 26 5:00PM MD 3-3	ROU	GEO		JUNI 26 8:00PM MD 3-3	POR	
SCO		JUNI 23 7:00PM MD 3-3		HUN	CRO		JUNI 24 8:00PM MD 3-3		ITA	DEN		JUNI 25 8:00PM MD 3-3		SRB	FRA		JUNI 25 5:00PM MD 3-3		POL	UKR		JUNI 26 5:00PM MD 3-3	BEL	CZE		JUNI 26 8:00PM MD 3-3	TUR	
PTS.				PTS.				PTS.				PTS.				PTS.				PTS.								
A1					B1					C1										E1								
A2					B2					C2										E2								
A3					B3					C3										E3								
A4					B4					C4										E4								

DI 8 PA FINAL		CUARTO FINAL		SEMI FINAL		FINAL		CUARTO FINAL		SEMI FINAL		DI 8 PA FINAL	
VS		VS		VS		VS		VS		VS		VS	
29 JUNI 9:00PM (A1 vs C2) Dortmund		5 JULI 6:00PM Stuttgart		9 JULI 9:00PM Munich		14 JULI 9:00PM Olimpia Stadion, Berlin		6 JULI 6:00PM Düsseldorf		10 JULI 9:00PM Dortmund		29 JUNI 6:00PM (A2 vs B2) Berlin	
DI 8 PA FINAL		CUARTO FINAL		SEMI FINAL		FINAL		CUARTO FINAL		SEMI FINAL		DI 8 PA FINAL	
VS		VS		VS		VS		VS		VS		VS	
30 JUNI 9:00PM (B1 vs 3ra A/D/E/F) Cologne		5 JULI 8:00PM Hamburg						6 JULI 9:00PM Berlin				30 JUNI 6:00PM (C1 vs 3ra D/E/F) Gelsenkirchen	
DI 8 PA FINAL		CUARTO FINAL						CUARTO FINAL				DI 8 PA FINAL	
VS		VS						VS				VS	
1 JULI 6:00PM (D2 vs E2) Düsseldorf												2 JULI 6:00PM (E1 vs 3ra A/B/C/D) Munich	
DI 8 PA FINAL												DI 8 PA FINAL	
VS												VS	
1 JULI 9:00PM (F1 vs 3ra A/B/C) Frankfurt												2 JULI 9:00PM (D1 vs F2) Leipzig	



WALASKA
auto air & solution

NOORD 73

Solucion pa tur
problema cu
airco di bo auto.

Yama nos na:
588-6610



island finance

J.G. Emanstraat No. 96, 523-4848
De la Sallestraat No. 65, 583-4843
Rockefellerstraat No. 2, 583-5556
Tanki-Flip, Shaba No. 82, 583-4800

islandfinancearuba.com

*SUHETO NA APROBACION DI CREDITO I VERIFICACION DI DOCUMENTO



Maya diamars 8:30 pm - programa forum di Telearuba: Rotonde, Keur, Faha di Seguridad y Alcohol den Trafico



Den e ultimo tempo por a tuma nota di hopi accident cu a tuma lugar di cual ya caba den e di prome 5 luna di aña 2024 a constata 6 morto den trafico. Hopi di e accident nan aki tabata tin di haber cu consumo excesivo di alcohol, velocidad halto y no uzo di faha di seguridad.

Comision Trafico Sigur den colaboracion cu TeleAruba lo presenta su di dos programa di Forum Diamars dia 18 di Juni 2024 pa sigui promove seguridad den trafico.

Den e di dos programa tevididentenan por spera informacion ariba e siguiente temanan: Rotonde: Den e ultimo añanan a bin hopi cambianan den trafico y su infraestructura a engrandec. Awor tin menos luz di Trafico y mas Rotonde pero no tur Rotonde ta mescos y hopi biaha por trece confusion entre usurianan local y tambe turista. Representante lo duna splicacion y tips con pa core correctamente riba rotondenan di Aruba.

Keur Auto y uzo di faha di seguridad: Repre-



sentante di DTI lo t'ey presente pa informa tocante di e importancia di Keur bo auto y e uzo corecto di Faha di Seguridad. Hopi automobilista no ta gusta bisti faha di seguridad pero esaki ta scapa bo curpa di consecuencia nan fatal. Segun data internacional di World Health Organization (WHO) e uzo di Faha di Seguridad por salba bo bida cu un probabilidad di te cu 50%.

Alcohol: Lo t'ey presente un psiquiatra cu lo informa tocante di influencia di alcohol riba e automobilista, kico ta e fayonan cu ta surgi den comportacion, habilidadnan y riesgonan cu por spera cu no ta prudente pa core auto.

Ley di Trafico: Ministerio Publico (OM) tambe lo t'ey presente pa duna informacion y splicacion tocante boetnan y eventual castigonan cu ta wordo aplica pa e diferente tipo di accidentenan ora cu alcohol ta hunga un rol.

Fada tambe lo uni den e programa pa informa tocante di nan investigacion y campaña di

conscientisacion.

Actualmente Alcohol ta un di e causantenan di mas grandi di accidente nan fatal y e cantidad di caso nan ta keda aumenta. Na aña 2022 tabata tin un averahe di 26 caso pa luna di accidente y incidente caminda e conductor ta core bou influencia di alcohol mientras cu e cifra aki a subi na un averahe di 35 pa luna na 2023. Esaki ta basa solamente riba data di Forensys. Realidad ta cu e cantidad aki ta hopi mas halto y ta alarmante.

Sintonisa TeleAruba dia 18 Juni 2024 na Canal 13 y 313 HD of Live riba YouTube. E programa lo cuminsa 8:30PM di anochi despues di Telenoticias. Comunidad henter di Aruba ta keda cordialmente invita pa forma parti di e programa. Por manda preguntanan via Whatsapp na +297-597-2323 y panalista nan lo contesta bo preguntanan na final di programa.

Hunto, ban haci nos camindanan mas sigur pa un y tur. Salba Bida, Scoge pa Seguridad!

Instalacion oficial di representantenan lo bay representa Aruba Internacionalmente den luna di juli 2024



The Chaz Modeling & Talent School a instala diasabra anochi 6 representante na Wayaca Lounge cu lo representa Aruba den Agnes Universe y Draft Models International na Punta Cana y Orlando Fashion Week OFK na Orlando.

Pa Agnes Universe y Draft Models International na Punta Cana, Rep. Dominicana 4 modelo di Aruba lo participa. Pa Draft Models International lo participa Caithlyne Kock, Eve Hoftijzer, Cristalyne Kock y Carlyne Kock. Y pa Agnes Universe dos modelo a wordo corona cu alnan ta Eve Hoftijzer como Little Beautiful Aruba 2024 y Caithlyne Kock como Pre Teen Model Aruba 2024.

Agnes Universe ta un certamen di beyesa combina cu modeling, muchanan lo siña y practica tur locual ta encera modeling y beyesa, y tambe

intercambio di cultura. Draft Models International ta un congreso di modelonan caminda diferente designers, scouts, agencianan di moda lo haci diferente casting pa scoge nan modelonan pa nan shownan, comercialnan y cu oportunidad di por wordo scogi pa participa na Fashion Week Paris 2025.

Pa Orlando Fashion Kids OFK 2024 na Orlando, USA, den luna di juli 2024, nos lo tin dos modelo tambe cu lo representa Aruba. Esakinan ta Samara Salazar cu lo ta nos Baby Model OFK 2024 y Rixienne Tromp cu lo ta nos Mini Model OFK 2024. Orlando Fashion Kids

ta un congreso y fashion show pa muchanan cu lo duna diferente tayer pa e muchanan y tambe nan lo competi den mihor pasarela y mihor photoshooting sessions. Keda pendiente den luna di juli pa un cobertura di tur Aruba su representantenan.

Mas cu un prestamo...

Nos tei pa haci
bo **vakantie bira**
realidad.

Aplica awe mes!



J.G. Emanstraat No. 96, 523-4848
De la Sallestraat No. 65, 583-4843
Rockefellerstraat No. 2, 583-5556
Tanki-Flip, Shaba No. 82, 583-4800

islandfinancearuba.com

*SUHETO NA APROBACION DI CREDITO I VERIFICACION DI DOCUMENTO.

Weganan Escolar a clausura cu musica y celebracion

Pabien na tur scol y alumno cu a participa y engrandece e competencia escolar

Diasabra 15 di juni, den un esfera festivo a tuma luga e gran clausura di Weganan Escolar 2024 na Joe Laveist Sport Park na San Nicolas. Presente na e ocasion aki tabata Minister di

Enseñansa y Deporte, Endy Croes hunto cu su kerida esposa Dilailah Croes-Odor; Minister Rocco Tjon, Presidente di Parlamento di Aruba mr. Edgard Vrolijk, parlamentario Setty

Christiaans – Yarzagaray, Shailiny Tromp-Lee, Darlaine Guedez-Erasmus y Alvin Molina; director di IBiSA Sr. Isnardo “Juni” Faro, cabesante di scol, representante di diferente federacion deportivo, director di departamentonan, stakeholders y demas invitadonan special.

Un total di 1300 alumno di 45 scol preparatorio, basico y secundario a competi contra otro durante dos (2) siman den diferente disciplina entre otro, beach tennis, volleyball, futbol, badminton y “kids athletics”. Ademas di esaki, e aña a introduci WE Baile y WE Mente, cual a haya hopi acogida. E atardi a inicia cu final di futbol di scol preparatorio di mucha muhe, wega di futbol di scol preparatorio di mucha homber, unda famia, docente y amigo-

nan tabata presente pa apoya nan scol. Colegio Conrado Coronel a titula Campeon di Futbol di Mucha Homber di Weganan Escolar 2024 y Colegio Conrado Coronel a conquista titulo maximo di Campeon di Futbol di Mucha Muhe.

E ceremonia di clausura a inicia himno di Aruba sigui pa un magnifico show di baile di NTG & NLG dirigi pa Sra. Marisol Peña. Despues a sigui cu discurso di Presidente di Parlamento di Aruba mr. Edgard Vrolijk, director di IBiSA Sr. Isnardo Faro y e mandatario di Enseñansa y Deporte Sr. Endy Croes.

Na final di e ceremonia a haci entrega di premio na e ekipo di futbol di scol preparatorio, docente di aña y scol di aña. Savaneta Brass a deleita esnan presente cu nan exitoso rep-

ertorio y Mascota Wiwi tabata presente y a saca potret cu e muchanan.

Por ultimo, e mandatario di Enseñansa y Deporte ta gradici e team di IBiSA, Ministerio di Enseñansa y Deporte y tur cu a traha duro pa realisa e gran evento escolar aki. Alabes, ta gradici Gabinete Wever-Croes II, Fundacion Lotto pa Deporte (FLPD), Stichting Sportsubsidie Aruba (SSA), Utilities Aruba, SETAR NV, Aruba Airport Authority NV (AAA) y Aruba Investment Bank (AIB) cu a contribui pa haci e Weganan Escolar 2024 posibel y sumamente exitoso. Minister Endy Croes ta gradici tur scol, cabesante, docente y mayor cu a duna tur di nan parti pa realisa e bunita proyecto escolar aki. Finalmente, ta felicita tur participante y ganado di Weganan Escolar 2024.



Stichting Reclassering en Jeugdbescherming Aruba

Sabana Blanco 71
T 582-1496 / 582-2491
F 583-0084
E info@reclasseringaruba.com

Stichting Reclassering en Jeugdbescherming Aruba is onder andere belast met het rapporteren over, toezicht houden op en begeleiding van personen die verdachte worden van een strafbaar feit of een strafbaar feit hebben gepleegd. In dit kader roepen wij **per direct** sollicitanten op voor de volgende functie:

❖ Administratief medewerker: 40 u.p.w.

Ondersteunt de reclasseringsactiviteiten door het uitvoeren van diverse administratieve taken en het bijdragen aan een soepel verloop van de operationele processen binnen de organisatie.

Functie-inhoud:

- Verwelkomt bezoekers aan de receptie en zorgt voor een vriendelijke en professionele ontvangst;
- Beantwoordt vragen van bezoekers en biedt algemene informatie over onze organisatie en haar diensten;
- Verwerkt binnenkomende en uitgaande correspondentie, inclusief e-mails, brieven en telefoongesprekken;
- Maakt dossiers van cliënten aan en registreert relevante informatie van cliënten in het registratiesysteem;
- Ontvangt betalingen en registreert ontvangstbewijzen;
- Verzorgt algemene administratieve ondersteuning, zoals het verwerken van facturen, het bestellen van kantoorbenodigdheden en het organiseren van vergaderingen.
- Beheert en onderhoudt het archiefsysteem van de organisatie, inclusief het categoriseren, organiseren en archiveren van documenten en dossiers volgens de vastgestelde procedures;
- Onderhoudt contact met verschillende ketenpartners;
- Zorgt ervoor dat alle administratieve processen goed verlopen.

Functie-eisen:

- Afgeronde MBO opleiding, bij voorkeur in een administratieve of verwante richting;
- Bewezen ervaring in een administratieve functie, bij voorkeur binnen een soortgelijke organisatie of sector.
- Goede organisatorische vaardigheden en oog voor detail;
- Kennis van en/of ervaring met het werken met geautomatiseerde systemen en kantoorsoftware (o.a. Excel, Word);
- Kennis en ervaring met Quickbooks is een pré;
- Kennis van de doelstellingen en inrichting van Stichting Reclassering en met het forensisch werk;
- Uitstekende mondelinge beheersing van het Nederlands, Papiamentu, Engels en Spaans;
- Goede schriftelijke communicatievaardigheden in het Nederlands en Papiamentu;
- Het vermogen om zelfstandig te werken en tegelijkertijd effectief in teamverband te functioneren;
- Hoge mate van integriteit.

Wij bieden een uitdagende en afwisselende baan. De aanstelling is **voor de duur van een jaar**, met uitzicht op een verlenging. Heb je nog vragen over de functie dan kun je bellen met Mevr. Pemberton-Leonard bereikbaar onder telefoonnummer **00297 – 5821496/ 5822491**.

Je sollicitatiebrief met CV kun je uiterlijk 21 juni 2024 sturen naar info@reclasseringaruba.com

We kijken ernaar uit om jouw sollicitatie te ontvangen en meer te horen over hoe jij kunt bijdragen aan ons team.

Dia mundial di Turtuganan di lama



plastic den stoma. E turtuga di lama ainda ta muestra di ta come den profundidad pero pronto, cu un bariga inflama, e lo subi superficie y lo muri. E ta bon pa un y tur refleha ariba e consumo propio. E impacto no solamente mester tuma lugar riba sentimento di hende pero tambe haci impacto riba e patronchi di consumo y para e uzo di productonan di plastic cualifica como desechabel (single-use plastic items).

Aki tin algun echo di turtuganan di lama.

- Luznan artificial ta causa desorientacion den turtuganan di lama y ta pone cu nan ta bay den direccion robes ora di pone webonan.
- Turtuganan femenino ta bolbe na e mesun beach na unda nan a nace. Nan ta masha sensitivo y tin un habilidad increibel di nabega distancianan largo.
- Turtuga NO tin djente pero nan kaak ta traha di e mesun componente cu huña (keratin) y esaki ta fit riba e craneo mescos cu djente falso.
- Ta calcula cu no mas di 1 den 1000 webo di Turtuga di lama lo sobrevivir y yega na bira un turtuga adulto.
- Turtuganan ta parce di prefera cumindanan cu color cora, oranje y geel. Nan ta mas curioso pa investiga e cumindanan cu e colornan ey cual ta haciye peligroso. Pasobra nan lo explora hopi plastic y por ekiboca entre plastic y cuminda.

Awe riba nan dia haci bo contribucion y haci un pida beach limpi, haci esaki liber di plastic of otro sushedad cu lo stroba turtuganan di lama di subi e beachnan. Si bo ta frecuente beach cu bo famia y a coba buraco den esaki, corda tapa esaki bek cu tera prome cu solo baha y bo bay cas. E organizacion TurtugAruba ta haci un trabou inmenso, no solamente di conscientisacion di e especienan pero tambe accionnan di limpieza di beachnan. Ta activo den nos comunidad. Bira un voluntario di e organizacion di e manera ey yuda conserva y proteha e turtuganan di lama cu ta bini Aruba. Feliz Dia Mundial di Turtuganan di lama 2024.

Diadomingo 16 di juni cu ta dia mundial di Turtuganan di lama, Directie Natuur en Milieu (DNM) kier a enfatisa cu tur e 6 especienan di turtuga di lama ta protegi pa e ley local Landsbesluit Bescherming inheemse flora en fauna.

Ta trata di e especienan protegi: Caret (*Eretmochelys imbricata*), Cawama (*Caretta caretta*), Turtuga Blanco (*Chelonia mydas*), Drikil (*Dermochelys coriacea*), Kemp's Ridley (*Lepidochelys kempii*) y e Olive Green Turtle (*Lepidochelys olivacea*). Tur aña tin turtuganan di lama cu ta subi nos beachnan y ta enfrentando hopi reto di actividad di hende. Entre esakinan ta e mashinnan di motor manera boto y 'waverunner' cu no ta cauteloso pa cu e turtuganan di lama. Hotelnan tambe no ta cumpli cu e reglanan stipula pa cu ponemento y kitamento di e stoelnan di lama cu turistanan ta uza riba beach. Otro factor cu ta hunga un rol den e ultimo tem-

ponan aki ta eventonan riba beach cu asina hopi uzo di luz artificial cu ta ilumina y confundi e turtuganan di lama cu ta subi tera. Esaki ta clasifica como contaminacion di luz. P'esey DNM a publica tambe e regulacion "standard operating procedures (SOP)" pa cu iluminacion cu ta den bon practica cu bida di animalnan- manera e turtuganan di lama. Nos ta invita un y tur pa repasa esaki cu ta obtenibel riba nos website dnmaruba.org.

Ademas di loke a menciona ariba di e actividadnan humano tambe tin e tema cu ta trata polucion di plastic. Esaki ta keda importante ora cu ta cu papia di e consecuencianan di cual turtuganan di lama ta muri. Plastic ta e causante di hopi problema den e bida marino na mundo. Pa via di esaki e bunita turtuganan lo desaparece na gran cantidad. Nos tur por a nota cu a publica un potret di un turtuga den nos awanan cu ta demasiado rondo, indicando cu e turtuga di lama aki posiblemente tin problema cu

Papa Francisco ta bira e prome pontifice pa duna palabra na cumbre di G7

(AP) — Papa Francisco a reta lidernan di e democracianan mas rico di mundo diabierna pa tene dignidad humano na prome lugar den desaroyo y uso di inteligencia artificial, advertiendo cu tecnologia poderoso asina tin riesgo di converti relacionnan humano mes den mero algoritmo.

Francisco a trece su autoridad moral riba e Grupo di Siete, invita pa anfitrión Italia pa papia na un sesion special na nan cumbre anual riba e peliger y promesanan di AI. Den haci esaki, el a bira e prome papa pa atende G7, ofreciendo un opinion etico riba un asunto cu cada bes mas ta riba agenda di cumbrenan internaiconal, politica di gobierno y hunganan corporativo.

Francisco a bisa cu politiconan mester tuma e liderazgo den sigura cu AI ta keda cu humano den centro, pa asina decision-

nan tocante con pa usa arma of hermentnan menos letal semper keda haci pa hende y no pa mashin.

"Nos lo condena humanidad na un futuro sin speransa si nos kita e habilidad di hende di tuma decision tocante nan mes y nan bida, door di 'doom' nan pa depende riba escogencia di mashin," el a bisa. "Nos mester sigura y salvaguardia un espacio pa control humano adecua riba e escogencianan haci pa programanan di inteligencia artificial: dignidad humano mes ta depende riba esaki."

E declaracion final di G7 a refleha su preocupacionnan.

E lidernan a priminti di coordina e gobernacion y marconan regulatorio rond di AI miho, pa tene "cu humano central." Na mes momento, nan a reconoce e impactonan potencial riba e mercado laboral si mashin tuma e lugar di trahadornan humano y riba sistema di husticia si algoritmonan pronostica



recidivismo.

"Nos ta bay busca un transformacion digital inclusivo, centra riba ser humano, cu ta sostene crecimiento economico y desaroyo sostenible, maximizando beneficio, y manehando riesgo, den linea cu nos balornan democratico comparti y respeto pa derechonan humano," nan a

bisa.

Door di atende e cumbre, Francisco a join un coro di pais y cuerponan global pushando pa mayor control y seguridad den AI despues di e boom den AI generativo impulsa pa ChatGPT di OpenAI.

E papa Argentino a usa su men-

sahe anual di paz e aña aki pa haci un yamado pa un tratado internacional pa sigura cu ta desaroya y usa AI di manera etico. Den e mensahe, el a argumenta cu un tecnologia cu falta e balornan humano di compasion, piedad, moralidad y perdón ta mucho peligroso pa desaroya sin control.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Samuel E. Dumfries

“E lagrimanan amargo di un hende muher”

Comportacion y intimidacion di maestro di scol

Mi ta keda sorprendi cu awendia ainda ta existi un grupo di maestro, specialmente un grupo cu ta uni y ta amigo di otro, maestronan di scol cu, na promer lugar, tin un trabou responsabel den nos comunidad, y cu ta duna les na nos muchanan, nos alumnonan. Nan ta wordo mira pa e trabou ehemplar de nos sociedad na Aruba. E mesun maestro nan aki ta un grupo di maestronan cu tin un comportacion mahos, destructivo y inaceptabel na yegada di un colega nobo na e scol. Nan ta ter nan colega nobo.

E comportacion aki ta pone mi pensa ariba e comportacion di un grupo di lobos na unda e alfa kier defende su teritorio contra un lobo nobo y stranhero. E tin miedo cu e por perde su dominio di su teritorio of cu e lobo nobo ta apodera di su grupo. E ta bringele. E tin cu gana y pone e otro lobo huy of perde anto e ta wordo expulsa di su teritorio. E derecho di esun mas fuerte?

Como un docente científico, mi a examina e literatura tocante e tema di termento. Mayoria científico ta uza e definicion cu termento ta caracteriza su mes door di un ripiticion di un comportamiento negativo, cu ta dirigi na un individuo so cu no por defende su mes facilmente y na unda ta existi un desequilibrio di poder (Chester et al., 2015; Inchey et al., 2016). Ora bo yega na un scol nobo pa traha den bo mente, e ta un comienso nobo den bo carera. Sin embargo, bo no ta wordo acepta, simplemente pasobra bo no ta participa na e cosnan mahos di e “alfa”, of e maestro cu sa con pa inyecta miedo na su coleganan, e maestro cu hasta e directiva di e scol no ta tribi di bay contra di e persona. E ta un bully, un hende cu a haci termento un arte na unda durante hopi aña su comportacion a wordo acepta den e lugar di trabou. E scol! Absurdo pero berdad. E cosnan aki ta pasando ariba e momentonan aki mes. Termento of bullying ta un



proceso cu hopi biaha ta wordo haci door di un grupo di hende. E hecho ta cu e no ta pasa cu muchanan of alumnonan so, pero tambe entre maestronan cu supuestamente ta bo colega. Maestronan ta influencia e fenomeno di termento den klas ariba dependiendo di e manera con nan mes ta responde pa e normanan y balornan cu nan tin pa asina actua contra e fenomeno di termento. Esaki por resulta den un manera di actua positivo of negativo. Pero hopi biaha nan no tin suficiente herment of nan no a haya training of wordo prepara adecuadamente pa actua contra y reconoce termento. Estudio ta muestra cu maestronan cu a sufri di termento ora nan tawata mucha ta compronde e fenomeno aki mihor. Nan ta compronde e victimanan miho, y esaki ta haci cu nan por influencia e proceso pa no ter mas den un bon direccion, un direccion unda tur hende ta acepta otro. Maestronan cu ta wordo abusa mentalmente pasobra un otro maestro of maestronan ta ter nan ta esunnan cu si sa

kico kiermen pa ta un bully. Automaticamente bo lo kier denuncia e situacion aki na e directiva di un scol, pero e ta un frustracion y demotivacion ora nan no ta tuma bo palabra na serio y hasta minimalisa locual bo ta splicando nan tocante e situacion. Anto con doloroso e mester ta cu nada no ta wordo haci. Bo ta sinti bo bo so. Mi por imagina mi cu un maestro asina no ta sinti su mes sigur of protegi mas y sigur no ora e

director(a) di e scol ta conspira hunto cu e grupo di maestronan cu structuralmente ta intimida y ta bully otro maestro ariba un manera masha negativo mes. Un grupo contra un hende. Miedo ta hunga un papel enorme den comportamiento aki. E “Alfa” tin miedo cu e herarkia social ariba e scol ta cambia. Esey kiermen cu e lo insisti e demas coleganan cu tin miedo di dje pa actua y ataca. E grupo di maestro-

nan ey ta transforma den un especie de homber primitivo cu no ta pensa racionalmente pero instintivamente y kier actua pa implementa e ley di “Survival of the Fittest” esun mas fuerte ta sobrevivi. Ban caba cu e colega nobo pasobra nos tin miedo cu e rabia di e colega dominante lo por wordo dirigi na nos. Esey si nos no kier. Esey si duna nos hopi miedo.

Hende ta e unico organismo cu no sa ki ora e mester stop di ataca. Por lo tanto, nan ta perde tur empatia y ta sigui, sin wak e dolor cu nan ta causa.

Pero cierto momento esaki ta stop. E ta stop pasobra e persona cu na ta bully ta dicidi pa defende su mes. E lagrimanan amargo cu a bin di tristeza, y incompreension, di dolor, y soledad, a ocasiona un cambio interno. E lagrimanan ey, a wordo converti den determinacion y forsa, un spirito di lucha y bringa bek y haya husticia. E lagrimanan ey a bira e impulso pa bay guera cu nan. Awor si ta basta!

E grupo di bully no ta compronde e reaccion aki. Pasobra nunca niun hende no a bay contra nan. E comportacion nobo aki na unda un hende ta bringa bek ta confundi nan. Esaki ta nobo pa nan. Pero nan mes a lanta e gigante di soño. Anto cu e articulo aki mi ta spera di a yuda lanta e gigante aki.

Keda pendiente pa e segunda parti di e piesa aki.



Chauffeur a dal tras di e auto na Tanki Leendert



Diasabra atardi a drenta informe di un accidente net dilanti Wendy's na Tanki Leendert, mesora a dirigi un patruya na e sitio.

Na yegada di e patruya a bin com-

pronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di e auto. Afortunadamente ningun hende a resulta herida.

Homber ta ser benta abao pa un Go-kart



Diasabra atardi a drenta informe di un accidente na Bushiri Karting unda un persona lo a cay riba su lomba. Mesora a dirigi un ambulance na e sitio.

Na yegada di e ambulance a bin compronde cu un homber di 45 aña cu a caba di core Go-Kart a para y a bay baha. Net ta bini otro Go-Kart ta dal e bent'e abao cay riba su lomba. Mesora nan a atende y a transporte pa hospital.

Militarnan Hulandes Europeo tabata haci mahos y a spanta turistanan na Eagle Beach

Diasabra atardi a drenta informe di mal comportamiento di militarnan Hulandes Europeo riba beach na Eagle. mesora a dirigi un patruya pa di dos biaha pa atende cu e militarnan aki cu tabata bebe y haci manera nan ta bringa ferozmente y turistanan tabata spanta.

Como cu ya caba na e prome ocasion polis a hala nan atencion di nan comportacion e biaha aki sin compasion polis a core cu nan for di e sitio y nan a bay. Paz y tranquilidad a bolbe na nos beach eyan.



Polis a detene chauffeur burachi cu a ocasiona accidente patras di Corte di Husticia.

Diadomingo madruga a drenta informe di un accidente patras di edificio di Corte, mesora a dirigi un patruya na e sitio.

Na yegada di e patruya a bin compronde cu aki ta trata di un accidente causa pa un chauffeur burachi. Mesora polis a detene e chauffeur y a hib'e warda di polis. Hunto cu un otro persona deteni mas tempran banda di Ban Ban Cafe a hiba ambos pa bay den cel na warda di Shaba.



Polis a detene chauffeur burachi cu tabata core irresponsabel

Diasabra atardi a drenta informe di cu tin un chauffeur den un Nissan March color preto/biña scur coriendo malo riba caminda di Boegoeroei.

Ora otro chauffeurnan ta reclam'e e ta saca dede mahos mustra. Mesora un patruya cu tabata cerca a par'e. Ora a control'e a nota cu e chauffeur tabata bao influencia y a deten'e.



Ambulance mester a bay Palm Beach pa turista cu a bira malo



Diasabra mainta a drenta informe di cu un dama turista lo a bira malo na un Air Bnb na Palm Beach, mesora a dirigi un ambulance na e sitio.

Na yegada di e ambulance nan a cuminsa atende pa hib'e hospital pero ora el a tende e prijs, milagrosamente e dama a bira bon bon, y no kier a bay cu ambulance pa hospital.

Dama Turista a bay na un adres na Moko y no a tende nada mas di dje



Diasabra mainta polis a manda un patruya na un adres na Moko unda un turista femenino lo mester a bay f'ey dia anterior pero te ainda no a tende nada mas di dje.

Na yegada di e patruya na e adres a bin compronde cu e persona lo no a yega ningun momento.

Na Eagle Beach wiel completo a los for di auto y causa daño



Diasabra mainta tempran a drenta informe di un incidente na Eagle Beach, mesora a dirigi un patruya na e sitio.

aki ta trata di un incidente unda e wiel completo a los for di e auto y esaki no por sigui core y a obstaculisa e fluho di trafico. E chauffeur mes a yama un takelwagen pa bin yud'e.

Na yegada di e patruya a bin compronde cu

Polis a bay Gold Coast pa un caso di kiebro y ladronicia na un cas



Diasabra mainta a drenta informe di un caso di kiebro y ladronicia for di un cas na Gold Coast. Mesora a dirigi patruya na e sitio.

Na yegada di e patruya a bin compronde cu desconocidonan a drenta den e cas y a bay cu algun pertenencia. Polis a tuma e keho di kiebro y ladronicia y a keda di pasa esaki pa recherche cu ta atende casonan di "woning inbraken".

Polis a bay Nuñe pa un problema di ex-pareha unda e homber kier a drenta cas di e muher pa piki cos



Diasabra merdia a drenta informe di un problema di ex-pareha unda e homber lo kier a drenta cas di e muher pa piki cos na Nuñe. Mesora a dirigi un patruya na e sitio.

Na yegada di e patruya a topa cu e dama y nan a cana full rond di e cas y no tabata haya falta di nada. Polis a keda di traha un rapport di e sucedido.

Chauffeur burachi no kier a supla pa e test di polis despues di a accidenta y a ser deteni pa no a coopera

Diasabra madruga a drenta informe di un accidente na Tanki Flip. Mesora a dirigi un patruya na e sitio.

Na yegada di e patruya a bin compronde cu e chauffeur di e Mitsubishi Montero A 63614 a tuma birada perde control bay kibra meter di awa y dal cura di cas kibra. Polis a nota cu e chauffeur tabata bao influencia di alcohol y tabata stroba polis pa pone pasa e test y no a keda nada otro cu deten'e pa core auto bao influencia y causa un accidente. Afortunadamente ningun hende a resulta herida pero si ti daño causa.



Accidente entre dos auto ta laga baby herida



Diabierna atardi a drenta informe di un accidente cu un baby herida, mesora a dirigi tanto polis como ambulance na e sitio.

Na yegada di e patruya a bin compronde cu aki tur dos vehiculo kier pasa den e hanchi smal y nan a dal den otro. Debi na e impacto aki un baby lo a resulta herida. Na yegada di e ambulance nan a atende e baby na e sitio mes.

Chauffeur a pega soño tras di stuur baha caminda dal palo di luz kibra na Hato



Diasabra madruga a drenta informe di un accidente riba e caminda di Hato pa Tanki Flip, mesora a dirigi un patruya na e sitio.

Na yegada di e patruya a bin compro-

nde cu e chauffeur unico persona den e auto a pega soño tras di stuur baha caminda y dal palo di luz kibra. Afortunadamente ningun hende a resulta herida.

Accidente semi-frontal na Santa Marta a laga 2 persona herida

Diabierna anochi a drenta informe di un accidente cu hende herida na Santa Marta, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente semi-frontal unda un s.u.v. a tuma e birada mucho na man robes y a bay dal semi-frontal riba un Nissan Cube di direccion contrario e impacto tabata fuerte y a laga 2 persona den e Cube herida mientras e s.u.v. a perde un wiel cu a kita completo for di e auto. Na yegada di e ambulancenan nan a atende e victimanan y a transporta nan pa hospital.



Homber no tabata kier pa su ex pareha sali trip y a bora taira di e auto



Diasabra madruga a drenta informe di un caso di destruccion na Sero Patrishi.

Na yegada di e patruya a bin compronde cu aki ta trata di un caso

unda e ex-pareha di e dama lo a bora e taira di e auto di e dama djis pa esaki no sali bay trip. Polis a papia cu e dama cu si e kier entrega keho e por pasa na oficina di recherche na Wayaca pa entrega keho di destruccion.

Anochi informativo pa mayornan cu ta bay divorcia of separa

E meta di e encuentro aki ta pa yuda mayornan durante e momento dificil aki, cu un enfoque special ariba bienestar di boso yiu. E anochi informativo aki ta completamente gratis.

Kico por spera?

Durante e session aki, experto den dinamica familiar y psicologia di mucha y hoben lo comparti varios informacion y consehonan valioso tocante con boso por papia cu boso yiu tocante e divorcio of separacion. Aki tin algun di e punto principalnan cu lo trata:

1. **Comunicacion** cu
Yiu:
o Na ki momento y na
cua lugar por informa boso
yiu tocante e divorcio.
o Tips pa contesta nan
preguntanan di un manera
honesto cu ta brinda siguran-
sa.
o E importancia di un
splicacion cu ta cuadra segun
nan edad y evita sentimiento
di culpa den e yiu.
2. **Sosten Emocional:**
o Strategianan pa min-



imalisa e impacto emocional
di un divorcio riba viù.

- o Reconcilia y reconcilia
di stress, ansiedad of tristesa
den boso yiu.
o Provee un ambiente
caminda cu yiu por expresa
nan sentimentonan.
3. Dinamico Entre
Mayor Saludabel:

ornan cu respect

4. Recurso y Sosten: Un bista di e recursion local disponibel pa famianan cu ta divorcia.
- o Informacion tocante consulta y sosten pa mayor nan y yiu.
- o E importancia di cui do propio pa mayornan du rante e periodo di transicion aki.
- Pakico e Presentacion aki ta Importante: Un divorcio of separacion di un relacion nunca ta facil, pero cu e sos ten y guia corecto mayornan por ta sigur cu nan yiu ta sinti stima, sigur y scucha. E pre sentacion aki ta ofrece may ornan e hermentnan y cono cimiento necesario pa yuda boso yiu pa procesa e cambio aki den un forma saludabel

Registra: Pa participa den e atardi informativo aki, nos ta pidi mayornan pa registra via e QR code of e link <https://forms.gle/wBQZaCwYyiT-3P4xZ9> obtenibel tambe via nos pagina di Facebook.



Scan pa Registra

Pastoral
Hubenil
Aruba cu
Misa Hubenil
den Parokia
di Noord



Pastoral Hubenil Aruba (PHA) ta informa cu e luna aki e misa hubenil ta bay ta na misa Sta. Anna. Na luna di april tabata na Dakota, na luna di mei tabata na Sta. Cruz y awor ta toca turno na parokia di Noord.

E misa hubenil aki ta diasabra 29 di juni venidero. Santa eucaristia ta 7.00 pm y despues di santa misa ta sigui actividad social den Club Don Bosco: 8.00 -11.00 pm. Ta bay ta presente hobennan di Pastoral Hubenil Noord, Dakota, Paradera, Sta Cruz, Brasil y Savaneta / Pos Chikito.

Cu esaki PHA ta manda un invitacion tanto pa hubentud en general, como pa tur hoben di parokia cu ta den preparacion pa confirma e aña aki. Hoben, Hesus ta stima bo!

Resultado Sorteo

juni 15 y 16, 2024

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
7362	6553	4437	6133
0957	6369	SUPER5	3321
6431	8824	-	1001

DIADOMINGO			
DIARIO	KORSOU	SUPER4	FLAMINGO
2109	4896	4642	9371
9226	0290	SUPER5	4201
8097	6489	49951	5148

MERDIA

Sorteo # 4297

0501

1328

7498

X2

Sorteo # 4297

8014

X2

Sorteo # 2353

8466

Sorteo # 4297

0980

Geminis

Sorteo # 1171

424

FP

Sorteo # 8269

1697

6094

8575

FP

Sorteo # 7313

7005

X2

Sorteo # 2018

4682

Sorteo # 6072

3466

Libra

Sorteo # 1002

980

X2

Sorteo # 2501

0 x Jackpot

0 x Match 4+

26 x Match 4

805 x Afl. 12,00

Joker 9 Letter G

Proximo Jackpot

850.000,-

Sorteo # 6503

0 x Jackpot

12 x Match 4

182 x Afl. 8,00

06-10-16-21-35

Proximo Jackpot

78.000,-

Sorteo #

0 x Jackpot

0 x match 4

0 x Afl. 500,00

0 x Afl 50.00

0 x Afl.15,00

Mega Ball

Proximo Jackpot

280.000,-

Afl. 380.000,-

Sorteo #

Sorteo # 4298

4575

0124

6827

FP

Sorteo # 4298

8141

FP

Sorteo # 2354

7885

Sorteo # 4298

9745

Scorpio

Sorteo # 1172

474

X2

Sorteo #

0 x Jackpot

0 x Match 4+

0 x Match 4

0 x Afl. 12,00

Joker Letter

Proximo Jackpot

850.000,-

Sorteo # 6504

0 x Jackpot

2 x Match 4

104 x Afl. 8,00

14-16-18-21-23

Proximo Jackpot

82.000,-

Sorteo #

0 x Jackpot

0 x match 4

0 x Afl. 500,00

0 x Afl 50.00

0 x Afl.15,00

Mega Ball

Proximo Jackpot

280.000,-

Afl. 380.000,-

Sorteo #



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel.297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Eagle Centro Medico
Tel. 587 9011 Tel. 584 5794

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116/582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Con yeye ta haci nan zonido famoso?



(AP)—E parti mas notable di e yeye cu actualmente ta invadiendo Merca ta e zonido—un cancion eng y increiblemente duro cu ta penetra oido di hende.

“E ta un caos bunita,” segun Rebecca Schmidt, un entomologo di e Departamento di Agricultura. “E ta crea un tipo di sinfonia.” E cancionnan—solamente crea pa e yeyenan masculino—ta yamada pa busca pareha. Cada especie di yeye periodico tin su mesun cancion distinto, pero dos ta sobresali: esnan cu strepi oraño of “pharaoh cicadas”, y e “cassini cicada,” cual ta mas chikito y no tin strepi oraño riba su bariga.

“Esun cu nos ta tende mayormente ta e cassini, un zonido cu ta subi manera ola y ta baha back,” segun Jennifer Rydzewski, un ecologo di insecto na DuPage County Forest Preserve, a bisa den un entrevista. “Tur biaha e ta subi den un ola y ta baha back, bo ta mira den mata un cantidad ta cuminsa bula, pa asina haci nan yamado y

despues bula pa un taki nobo y haci e yamada atrobe. pues e ta manera diferente grupo cu ta biniendo den olanan.”

E otro ta un crea un “hum constante, cual ta e staccato di e pharaoh” y aki aya un yamada individual cu ta zona manera “eee-ooo”, el a bisa. Otronan a bisa cu e zonido ta zona mas manera “fffaaro, ffffaaro.”

E zonido ta bin for di un membrana blanco riba e area central di e macho cu ta crea pa vibra, Schmidt y Rydzewski a bisa. E area abao ta actua manera un camber di echo. “E ta hopi di e mesun fisica como un instrumento,” Schmidt a bisa. “Pues si bo ta pensa riba un drum bo por tin un drumi chikito cu ta ser toca pa un hende poco poco, y asina mes e ta crea un zonido duro.”

Pronostico di tempo

Tempo:

Awe tardi y awe nochi: parcialmente nubla y seco
Den marduga y mañan: parcialmente nubla cu un awasero breve

Temperatura maximo 33 grado celsius

Temperatura minimo 28 grado celsius

Indice di calor (heat index) den y rond di oranan di merdia: 34 pa 40 grado celsius
UV index: 12

Bahada di solo : 7:06 pm

Subida di solo : 6:15 am

Biento:

Modera for di direccionnan entre oost-noordoost cu oost-zuidoost;

Forsa 3 te 4 (12 te 30 km/ora, 7 te 16 nudo).

Durante di dia basta fuerte te fuerte den rafaga;

Forsa 5 te 6 (31 te 50 km/ora, 17 te 27 nudo)

Situacion general di tempo pa proximo 24 ora:

Na e momentonan aki no tin disturbio di importancia pa clima local. Den oranan di marduga y mainta trempan di dialuna por spera un awasero pasahero. Sobra di dia Clima seco lo domina. Un proximo la tropical lo dreña area di Caribe den curso di awe nochi laat pa dialuna mainta trempan. Mas aleu por bisa cu stof di Sahara den concentracionnan varia lo stroba visibilidad un poco y produci aire di calidad abou durante proximo dianan. Personanan cu tin problemanan respiratorio mester tene esaki na cuenta.

Condicionnan maritimo/estado di lama:

Na partinan protegi di costa: keto, rond di 1 pia.

Na partinan zuid: trankil te modera, entre 2 pa 3 pia.

Na partinan oost te noordwest di costa: Modera cu olanan alrededor di 4 pa 5 pia.



TA BUSCA

L.A. Lopez Corporation
ta busca
“Technicus”
Por yama na
tel. 593 4727

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lo E seka tur lágrima for di nan wowo, I morto lo no eksisti mas: lo no tin nada di rou, nada di yoramento, nada di dolo mas, pasobra tur kos di antes a pasa bai.

Rev. 21:4

Ki alegría, ora nan a bisa mi: "Ban cas di Señor!" I awor, ata mi aki para na bo porta Señor.
Salmo 122

Nos ta anuncia fayecimento di:



Sra. Juanita Laclé-Kelly

*05-12-1936 - †14-06-2024

Esposa di †Willem "ShonWe" Laclé

Na number di su:

Yiunan:

Helen "Lientje" y esposo Jaime Laclé

Anthony "PAA/Tony" y Esposa Sandra Laclé-Paesh y famia

Irene Laclé y famia na Hulanda

†Roland "Weeshi" Laclé

Jaqueline "Connie" y esposo John Wong-Laclé y famia

Nieta(o)nan:

Giorene, Pascal y yiunan Abigail, Skylar,

Stephany,

Jaillen y Renate

Dwight, Sabrina y yiu Vaiana

Giovanni, Diana y yiunan Suelo, Giovanni Jr,

Luciana

Ginny y yiunan Giorginio y Angel-Juanita

Alhric

William y Mishally

Taryn, Damian y yiu Kyrak

Anthony, Nayla y yiu Mason

Jayden y Alessandro

Adrion y Maris

Zariën

Ruman: Silvia Kelly y Famia na Hulanda

Cuña: Manuela Kelly y famia

Demas Rumannan den feliz memoria, sobrina, sobrinonan y famia, Primanan y Famia, Su compañeronan, staff y personal di Cas Di Mi Chepa, tur ex-bisiñanan na Dakota, Tur amistad y amiganan di cas cu a stima Juanita y demas famia nan cu ta mucho hopi pa menciona, Radio Bo Guia

Condolencia y acto di entierro lo tuma luga diamars, 18 juni 2024 na Royal Funeral Home di 9am pa 11am, despues lo sali pa Santana Catolico na Oranjestad.

En bes di flor of krans lo bay tin un box pa donacion pa Koningin Wilhelmina Kanker Fonds.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento di nos ser stima:



Sra.vda. Louisa Feliciana Winterdaal

Cariñosamente yama "Nana"

*04-02-1933 - †14-06-2024

Acto di entierro lo wordo anuncia despues

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa".

Salmo: 23

A bay drumi den braza di Señor



Bera Soledad Quandt-Quandt

Mihor conoci como: "Sole"

*26-05-1961 - †14-06-2024

Acto di entierro lo wordo anuncia despues.

A descubri turista Hulandes morto riba isla Griego y 4 otro turista a disparce riba 3 isla



(AP)—A descubri un turista Hulandes desaparecido morto diasabra trempa riba e isla Griego di Samos, segun media local a reporta, e caso mas recien den un serie di caso den cual turistanan riba e islanan Griego a muri of a disparce. Algun, si no tur, a bay riba un caminata den calor extremo.

A descubri dr. Michael Mosley, un autor Britanico, morto diadomingo pasa riba e isla di Symi. Un hues di instruccion a conclui cu el a muri e diaranson anterior, un rato despues di a bay riba un caminata riba tereno dificil.

Samos, manera Symi, ta situa hopi cerca di e costa Turco. A descubri e curpa di un turista Hulandes di 74 aña drumi boca abao den un gleuf aproximadamente 300 meter for di e sitio unda a mir'e ultimo diadomingo, canando cu algun dificultad den e calor.

Autoridadnan ainda tabata buscando pa cuatro hende reporta desaparecido den e ultimo par dianan. Diabierna, dos turista Frances a ser reporta

desaparecido riba Sikinos, un isla den e Lama Egeo, cu menos di 400 residente permanente. E dos hende muhe, di edad 73 y 64, a sali for di nan hotel respetivo pa topa otro.

Un turista Mericano di 70 aña a ser reporta desaparecido diahuebs riba e isla chikito di Mathraki den e extremidad norte pa su amigo. A mira e turista pa ultimo biaha diahuebs na un cafe den compania di dos turista femenino cu a sali for di e isla.

MATHraki, poblacion 100, ta un isla forestal di 3.9 vierkante kilometer, pabao di e isla conoci miho como Corfu. Bientonan fuerte a preveni polis y bombero di yega e isla pa busca pa e persona desaparecido desde diasabra atardi, segun media a reporta.

Riba e isla di Amorgos, autoridadnan ainda tabata buscando pa un turista di 59 aña reporta desaparecido desde diahuebs, ora el a bay riba un caminata su so den condicionnan hopi calor. Media Mericano a identifica e turista desaparecido como Los Angeles County Deputy Sheriff Albert Calibet di Hermosa Beach, California.

Amorgos, e isla mas pariba di e islanan Ciclade, ta un isla di 122 vierkante kilometer di menos cu 2,000 habitante. Un par aña pasa e isla tabatin un cantidad record di bishita, mas cu 100,000. Algun comentario di media a enfoca riba e necesidad pa informa turista di e peligranan di bay riba caminata den calor intenso.

Temperaturanan den Grecia diasabra tabata mas cu 10 grado celsius mas abao compara cu diahuebs, ora e peak tabata casi 45 C. Ta anticipa cu esaki lo subi atrobe cumisando diadomingo, aunke no na nivelnan di olanan di calor.

Singapore na careda pa limpia derame di azeta despues cu boto ta accidente contra barco di deposito di combustible

(AP)—Un derame di azeta causa pa un accidente entre un boto di limpieza y barco di carga a pone e liña costal pazuid di Singapore preto, incluyendo e isla resort popular di Sentosa, y a causa preocupacion cu e por trece menasa na bida marino mientras cu un operacion di limpieza tabata na caminda ayera.

E boto di limpieza cu bandera Hulandes, Vox Maxima, a dal e barco di deposito di combustible Marine Honor diabierna. El a trece dañu na e tanki di cargo riba e Marine Honor, cual a resulta den un leak di azeta den lama.

E Maritime and Port Authority di Singapore a bisa den un declaracion diasabra cu e leak di azeta for di e barco a ser contení, y cu e azeta cu a scapa for di e tanki afecta a ser trata cu dispersante.

Pero debi na e coriente, el a bisa cu e azeta trata a yega e liña



costero, incluyendo na Sentosa y otro isla pazuid, cual ta un reserva di naturalesa y un parke di lama publico. Sentosa, cual ta atrae miyones di bishitante anualmente, ta cas di un di e dos casino di Singapore, veld di golf y e unico parke di Uni-

versal Studios na Sureste Asia.

Parti di e lama na e parke publico y na e reserva di naturalesa a ser cera pa facilita esfuersonan di limpieza, el a bisa. E lama di Sentosa lo keda habri pa publico pero actividadnan maritimo

y landamento ta prohibi.

Ayera trahadornan den uniform oraño tabata sacando santo den un operacion di limpieza na un lama bashi na Sentosa. Awa preto a yega te na e canto di lama. Autoridadnan a

desplega 18 nave pa e esfuerso di limpieza y a pone container booms di aproximadamente 1,500 meter, y boei temporario pa mantene e derame contení.

“Lo pone mas den e proximo dianan pa preveni mas plamamento di azeta riba e costa, y facilita e recuperacion di e azeta pega di e costanan afecta pa asina preveni nan di bay back den lama,” e declaracion a bisa.

Conservacionista- biologo- nan ta monitoriando e extento completo di e daño riba bida marino. Grupo di conservacion local Marine Stewards supuestamente a bisa cu tabatin potret di pisca, otter y kingfisher morto cubri den azeta.

Fundador di e grupo, Sue Ye, a conta e corant local Straits Times cu deramenan di azeta ta cubri y ta sofoca pisca, parha y animalnan marino cu ta landra na superficie di awa pa tuma aire, manera turtuga y delfin.

Realesa Britanico uni riba balcon di palacio *Cu Prinses di Wales back den publico desde su diagnostico di cancer*



(AP) — Reino Uni a muestra un despliegue di espectáculo diasabra pa celebra cumpleaños di Rey Charles III, un parada militar cu a marca e prome presentacion publico di e Prinses di Wales desde su diagnostico di cancer e aña aki.

E evento anual tambe tabata un muestra di estabilidad di e monarca despues di algun luna dificil den cual tanto e rey como prinses Catherine, esposa di heredero na e trono Prins William, tabata ausente pa motibo di tratamiento pa cancer.

Den un despliegue simbolico

di union, Charles, reina Camilla, William, Catherine y nan yiunan a bin hunto cu otro miembronan di famia real na un balcon di palacio Buckingham na fin di e Parada di Cumpleaños di e Rey. E famia a cuminda e multitudnan reuni abao mientras nan a mira un vuelo di avionnan militar pa clausura e ceremonianan marcando e cumpleaños oficial di e monarca.

Esaki tabata e prome presentacion di prinses Catherine na un evento publico desde december. Na maart el a revela cu e tabata ricibiendo kimoterapia pa un forma di cancer no specifica.

“Mi ta haciendo bon progreso, pero manera cualkier persona ricibiendo kimoterapia sa, tin dianan bon y tin dianan malo,” e prinses a bisa den un declaracion publica diabierna, agregando cu e ta enfrentando “algun luna mas” di tratamiento. Catherine a bisa cu e no ta liber di peligro ainda, y oficialnan a insisti cu e apariencia diasabra no ta nifica un regreso completo den bida publico.

Multitudnan enorme ta congrega tur juni pa mira e parada

di cumpleaños, conoci como Trooping the Colour, cual ta cuminsa cu un procesion cu cabay, musico y centenares di soldad den uniform ceremonial for di palacio di Buckingham.

E prinses, 42, a biaha den un garoshi cu cabay for di e palacio door di e avenida enorme conoci como the Mall cu su yiunan, prins heredero George, 10, prinses Charlotte, 9 y prins Louis, 6. Publico a aplaudi mientras nan a mira Catherine, bisti den un shimis blanco di diseñador Jenny Packham y un

sombre di Philip Treacy.

Prins William, den uniform militar formal, a core riba cabay pa e ceremonia, den cual e trupanen ta pasa den parada dilanti e rey cu nan bandera, of “color”, regimental. E despliegue di marcha di precision y musica marcial ta bin di e dianan unda e bandera di e regimen tabata un punto esencial den e preparacion pa bataya.

Charles, kende tambe ta ricibiendo tratamiento pa un forma no revela di cancer, a biaha den garoshi cu reina Camilla, en bes di riba cabay manera el a haci aña pasa. E rey a inspecciona e trupanen for di un dais riba e sitio di e parada, saludando mientras regimen elite di Foot Guards a marcha su dilanti.

Cinco regimen ta tuma beurt pa parada den nan color, y e aña aki tabata e turno di un compania di e Irish Guards, cu tin prinses Catherine como coronel honorario. E trupanen den tunica cora y sombre di cuero di oso a ser lidera den e parada pa nan mascota, un cacho Irish Wolfhound yama Seamus.

